

樊榭山房集

三

知不足齋  
PDG

樊榭山房集卷第七

錢唐 厲鶚 太鴻

詩庚

酒蟹

以下五子

草泥纔出海邊田不共茶鑰煮碧泉  
漁舍西風成昨夢醉鄉清味破中堅  
香畱阜莢看燈夜餅卧黃花小雪天  
可惜老饕情思淺只將一語爲君傳

佩兮南齋觀倪元鎮贈邾伯盛靜寄軒詩真蹟  
次韻三首

清詩隸畫遠人氛展向晴窗半穗雲  
卻憶當時邾處士能將寸鐵壽斯文

夜雨菰蒲何處居居然范緩配倪迂憑將一語添書品  
絕似寒花瘦鶴無

心跡渾如過臘僧小軒幽對竹翦髻更分白石茶爲供  
甘受人間俗眼憎

沈石田合子會詞真蹟次韻

自署云倚翠生沈周

南渡荒王嗟鼎沸一夕青燐生大內舊院樓臺化菜畦  
渡頭無復桃根妹承平樂事百味盛平聲春宵角勝張長  
檠言情不用比紅句紀事能工倚翠生鐵面譏訶亦時  
有我譬解醒當以酒可憐瘦硬相城書卻寫柔詞傳士  
友平章風月秦淮風秦淮伎有私印曰同風月平章事見野獲編小軸歸君篋衍中  
冰漸生硯霜侵戶道眼澄觀本無住

朱碧山銀槎歌爲秋玉賦

詩人往者聚長安好事會聞孫退谷銀槎酌客客作歌  
想像無由能寓目朱華玉名碧山宇至正年居魏塘里  
一生良冶此僅傳流落江南非偶爾虛心斷節桑落貯  
分得秋河好風露開襟有客踞上頭或云鑿空博望侯  
手持支機石一片張侯張侯吾所羨卽時酒與身後名  
何如黃姑渚畔長游衍槎腹鏐詩句瀟灑問津可惜無  
知者摹形已奪晉丹青操觚堪補元風雅主人索我重  
作歌愛之過於金叵羅前宵偷兒肱其篋免隨羽化神  
搗訶翠壺插菊展重陽半杯竟欲追渴羌醉倒空齋月  
爲枕夢向天孫乞餘錦

題陳授衣閉門覓句圖

君如後山窮取婦離鄉土漫歌妾薄命已見男當戶吟  
榻秋風高冥按避童豎詩成在何時飢腸鳴卓午

論詞絕句十二首

美人香草本離騷俎豆青蓮尙未遙頗愛花間腸斷句  
夜船吹笛雨瀟瀟

張野柳詞名枉並驅格高韻勝屬西吳可人風絮墜  
無影低唱淺斟能道無

鬼語分明愛賞多小山小令擅清歌世閒不少分襟處  
月細風尖喚奈何

賀梅子昔吳中任一曲橫塘自往還難會寂音尊者意

也將綺障學東山

洪覺範有和賀方回  
青玉案詞極淺陋

舊時月色最清妍  
香影都從授簡傳  
贈與小紅應不惜  
賞音只有石湖仙

頭白遺民涕不禁  
補題風物在山陰  
殘蟬身世香尊興

一片冬青冢畔心

樂府補題一卷唐  
義士王潛與焉

玉田秀筆遡清空  
淨洗花香意匠中  
羨殺時人喚春水

源流故自寄閑翁

鄧牧心云張叔夏詞本其父寄閑翁翁名  
樞字斗南有作在周草窗絕妙好詞中

中州樂府鑒裁別  
畧仿蘇黃硬語爲  
若向詞家論風雅

錦袍翻是讓吳兒

送春苦調劉須溪  
吟到壺秋

羅志仁

句絕奇不讀鳳林書院

體豈知詞派有江西

元鳳林書院詞  
三卷多江西人

寂寞湖山爾許時近來傳唱六家詞偶然燕語人無語

心折小長蘆釣師

朱竹垞檢討詩志居琴趣中語

閑情何礙寫雲藍淡處翻濃我未諳獨有藕漁工小令

不教賀老占江南

錫山巖中允菴友秋水詞一卷

去上雙聲子細論荆溪萬樹得專門欲呼南渡諸公起

韻本重雕萊斐軒

近時宜興萬紅友詞律嚴去上二聲之辨本宋沈伯時樂府指迷予會見紹興二年刊萊斐軒詞林要韻一册

分東紅邦陽等十九韻亦有上去入三聲作平聲者

題冒辟疆姬人金圓玉水墨秋葵圖

辟疆自題云余不能飲日看畫

此花亦飲醇酒意也

金琰橫敲醉不勝墨痕秋暈一匳冰西園老盡佳公子

看畫花枝學信陵

丁未暮春佩兮來游湖上曾作五字詩奉贈壬  
子秋僕至邗畱寓小玲瓏山館歲晚將歸復次  
前韻志別兼呈令兄秋玉

書至約已頻別來思易積夢想蜀岡青中有春明宅一  
舸秋雨餘又逐閑鷗跡相見尋古歡前塵空役役君家  
山館幽短榻對虛白名談開襟寬積卷堆坐窄琴清共  
低徊酒釀小浮拍殘年逼歸心彌復惜離坼今夕首扁  
舟始覺身爲客眷眷隔烟江戍樓聞遠笛

過青浦縣

時將訪功  
于於松江

草草衝寒路船窗西日餘潮痕上城古蟹穴入沙虛飄  
蕩青龍艦艱難黃耳書故人今夕見杯酒惜居諸



朱涇

船子高風去不還  
霜天如洗白鷗閑  
明年若買蓑兼笠  
合並華亭落照灣

早春登孤山四照亭

以下癸丑

澀磴盤迴竹尾斜  
東風先入梵王家  
吟筇更上梅多處  
四照山光四照花

南湖雨中

夾竹天桃蘸小紅  
水高魚滬沒蘆叢  
南湖春物無人管  
都付斜風細雨中

虎丘清明同意林誠夫江臯作五首

年年水上送離鴻  
每到清明憶夢中  
何處天涯無草色

新烟偏繞舊吳宮

春向通波盡可憐賣花籬外鬪茶天白堤無賴新楊柳

分上吳娘六柱船

吳中清明多以柳枝插船尾六柱船見范成大吳郡志

踏青羅韞逐時新節物何關百感身小住客程剛半日

虎丘山下看迎神

千枝穠豔萬枝斜破楚門西倚暮霞不是逢春被花惱

卻因老大惜飛花

柳傍蘇臺舞不休山青無際水空流歌船載取輕陰去

便有瀟瀟暮雨愁

同作

仁和趙一清誠夫

春來到處觸閑情小隊橫塘一字行明日吳宮芳草

路青青踏徧又重生

春晚同尺鳧西顥登丁家山新亭

百囀鶯闌百舌催游人猶向此山來雙亭半倚林蘿出  
一壑中分紫翠開笑挽風光歸健筆醉邀湖影入深杯  
平生野服宜春服惹得松花竹粉回

立夏後二日同敬身授衣過重陽菴薛尊師房  
有客佩含景丹房迴在東開窗俯塵世坐樹御天風白  
羽花閒驥青衣泉上童日長能省事吹笛此山中

南湖初夏四首

不踏看花陌上塵草堂近卜約齋鄰垂楊水寺殘碑在

瘦策寬鞵浴佛人

張功甫自號約齋

委巷人歸路屈盤  
芡衣初試尙嫌單  
斜陽半落湖光裏  
一陣蘋風助麥寒

壞垣桃李自無蹊  
記得輕船對罽泥  
看到濃陰春又夏  
人家斜倚采桑梯

疎放都無客過存  
五經籬外曲通村  
紅薺十丈開還落  
卧讀農書不出門

官米

近日官倉米如京  
積最高廬陵價先踊  
河內發猶勞鼠  
盜難周防鳩形詎  
徧叨盈虛如可酌  
估客集千艘

汪積山招汎湖上觀荷分得于字

妙友閒何闊  
相期逃暑途  
滌瓷作茶會  
刺船映菰蒲  
各

各脫藤帽一笑歡莫逾羣峯正清曉雲影移浮圖趁此  
萬斛涼搖入碧玉壺舟人頗解事爲擇最勝區虛亭架  
水中水花下開敷倚闌當花上圓葉交撐扶卻羨雙蜻  
蜓翾飛抱黃須縱目浦樹密傾耳村蟬孤諸公惜永日  
迴橈穿裏湖裏湖花更多十里無處無中央通延緣魚  
翠時相呼忽驚山倒浸花底烟平鋪安得山雨來眾綠  
爭跳珠遠香送清苦悟賞知非殊僧榻借偃仰高唱紛  
囑于毋爲待西風空令芳意徂

夏夜同樂城功千步月南湖

披衣聞剝啄蕭散步城隈煩思臨湖盡幽襟爲月開魚  
聲不知處荷氣偶然來莫怪無看待清光送客回

七夕苦熱效西崑體

星期經歲思悠悠此夕星期暑未收鸞影周旋秦女扇  
蛛絲辛苦漢家樓漸臺露淺移東足銀浦風微到上頭  
共道天人能會合癡兒揮汗拜牽牛

早秋同王謩徵汪西顥符聖幾坐報國院池上  
秋意落僧院行徑紆且微愛此湛湛水脩林隱炎暉廢  
塹寒瓜蔓古堞高天圍清陰漸半池鱗魚如有歸盈耳  
發竿籟長風本無機一一適吾願詎似身世違永日敷  
坐具無人挂浴衣冷絕白鳥營閑免蒼蠅譏祇應二三  
子勿歎知音希

贈葭白移家真州三首

已厭譁躑學靜便帛槌茶磨上江船想君小閣移帆影  
新占長蘆寺外天

日出烟銷窈裊中漁娃尙卧荻花風淮南近日無三士

賸把江山乞寓公

滄熙間淮有三士舒州張用晦和州張晉卿眞州章冠之也見張荃翁貴耳集

白鳥飛邊天鏡開秦淮欲渡小裘回不須折柬更招我  
春水方生乘興來

中秋夜廣陵看山樓對月

連宵積雨卷滂沱洗出秋容與素娥淮海東來寒一點  
闌干下視眇層波細尋桂子鄉關遠苦戀簫聲夜思多  
賴有主人能酌客肯教邀影對紅螺

晚秋夜雨有懷故園

落葉卷風雨客愁仍去年背燈三峽水敲枕九江船預  
想他時話須妨此夕眠南湖烟翠色應溼草堂前

哭吳尺鳧

并序

八月三日與尺鳧飲湖上來廣陵兩月遽聞尺鳧凶問  
僕性寡交游里中二三故人相周旋學積行修意氣高  
爽如尺鳧者何可多得竟連蹇不遇以死晚年頗耽琢  
小詞以僕爲能賞音今無春風之筆矣十月晦夜夢尺  
鳧手一牋相示如生平覺而爲詩哭之

文陣推排歲屢遷蕭閑臺遠便登仙秋湖小醉無期別  
老筆新詞後世傳公等莫追王武子夢來猶見石延年  
平生一掬知交淚斗酒相和滴到泉



題姚玉裁夜雨圖爲悼令弟炳衡作也

剛風吹過玉成塵我亦披圖恨轉新  
今夜西堂打窗雨  
雨聲難寄夜臺人

予弟子山  
歿亦二年

哭沈欒城

客從蒲坂鬢先彫幾日神游向沈寥  
廿載交情蘭韻在  
一生文采玉塵銷  
眞成方相煩君到  
定復巫陽不下招  
誰遣斯人竟黃土  
山風悽唳葬時簫

今年夏同君及功千意林早  
出錢唐門道逢喪車眾隨其

後君獨徘徊不前若畏懼者孰  
意其爲先兆也故有第五句

法雲寺銀杏詩

并序

寺在揚州市闔閭極卑隘訪謝公手植雙檜已不存  
堦前有銀杏一本其大蔽牛腹穿裂呀然窺天秃枝攫孳

榮悴相半殆唐宋來近千年物也此寺唐末楊行密曾  
屯兵宋又爲呂惠卿宅行密羣盜之雄固不足道惠卿  
以熙寧法禍天下其人不中與謝公爲役亦樹之辱也  
不見龍鱗近佛香猶存鴨腳覆僧廊十圍空洞潛魑魅  
雙幹生枯飽雪霜影小吳王曾縶馬涼多吉甫定移牀  
孤根已是千年後怱悵無人比召棠

歲暮自題南湖所居四首

巢居何地可高騫近水聊同離垢園寒淨綠蕪侵巷尾  
明涵疎樹照城根雲帆引我遄歸興雪履聞誰獨往言  
魚計茶經無外事太平時節在衡門

三閒老屋打頭低安隱深冬類蟄棲短布自遮周伯況

大船不識庾安西雨多夾雪添湖水凍後烘晴滑徑泥  
俯仰懷人千古意密梅花發竊黃啼

又向張園挹早春豪華舊事久飛塵石殘甲乙黏乾蘚  
檻易庚辛積冷蘋佛粥近分林下寺竈餉新賣水邊人  
賞心是物關時令只以康強祝老親

聊悅吾生未有涯須煩健步遠移花平臨列岫人烟小  
細讀殘碑日影斜卧架少書思閱市行勝無夢到乘車  
詩壇不似麒麟閣敢並南湖上將家

楊誠齋詩新拜南湖  
爲上將謂張功父也

北郭舟中同丁敬身汪西顥王麀徵作

以下甲寅

扁舟望臯亭淺絳色漸分回首稽留山餘雪黏空雲迺  
知向背殊諸峯若離羣松陰結春靄冷趣彌氛氲同游

得三子勇若張吾軍遙拜杜子恭棲隱尊昔聞不測古  
人意豈異今所云清言各未已村鐘殷微曛

### 石鼓亭

石鼓本無聲桐魚擊有異名亭自何年墜響闕山翠拊  
牀惜典午鼓妖亦此類茂先如可呼博物有遺議吳年  
出石璽奇事與之二維舟陟隕岸將老纔一至

### 宿佛日淨慧寺

羣山春未動清刻出松篠黃鶴翩欲下引我步深窅僧  
廬闢廣場澗朴境無擾衣傳四明來蔬足千指了平生

參諸方僻近苦未曉今諳困學公篆路盡縈繞

鮮于伯機  
游記云村

路詰曲如  
行香篆中夜深龕燈短雪滴林月小哦詩祛眼食列坐至

啼鳥

曉起徹上人導行黃鶴峰下觀龍藏泉遂尋龍  
洞至仙姑洞

清暘升峯罅粥鼓已絕統石盆分類泉影動青菡萏主  
僧爲前導矜客富奇覽岳痕蜿蜒卧巧若出鬼鑿泐流  
苔磔度陰洞松雪揜華蓋滑可捫神寰垢自膽仙姑巢  
其上側足覩幽窩重扉蓄內景鴻瓏古誰撼旣訝碧漿  
蛻復隱紺髮髡出險詡所能臨深謂何敢冷風回人衣  
歸路有梅糝

洪襄惠公園中峯石歌

在錢唐  
西溪

苔梯不埽狐狸迹崩雲上壓三十尺東風一夜聞履綦

橫出殘梅點明燼當日園開迎貴壻仇大鑿春池照珠  
翠咸寧侯印竟墮地七兒爭妍猶擁髻金閨妖血無人  
見塞上燕支洗羅薦二百年來如抹電蒼石無言淚如  
霰

二月十七日雨中湖上二首

催花應不爲花愁點滴疎篷喚出游太半春雲如夢裏  
尋詩人倚十三樓  
著意船頭溼酥雨生情柳外埽殘寒春懷酒病依稀在  
眞箇花如老眼看

自石湖至橫塘二首

楞伽山頂溼雲堆噤痒桃花出廢臺萬頃吳波搖積翠

春寒來似越兵來

青山斷處水連村踏草無人見履痕爲愛橫堂名字好  
夢腸他日繞吳門

游鶴林寺

江村近寒食花柳發天慳舟噎荒城下輿鳴野水灣曉  
餅劉帝井午磬戴公山欲問千年事高僧但掩關

廣陵城南看花作

一灣碧水疎籬護今人栽花昔人墓今人又作墓中人  
惟有花開客來去

夏五雨後同意林登隱几山樓望江湖諸山懷

功干游華亭

密樹含餘清，平池帶微溽。是時積雨斷，何以敞心目。高  
哉君家樓，脩楯俯萬屋。翳窗新桐枝，爲我翦蒼玉。鳥下  
數歸雲，眉閒攬眾綠。正爾山氣佳，散作風肅肅。頽陽在  
衣袂，幽鳥亦相逐。同心念薄游，雕章慰夙獨。停琴味幽  
蘭，呼茗煮溪淥。遙知孤吟人，草蟲入明燭。

病店少閒西顥聖幾見訪

日長一鬼欲銷除，倦倚屏風獨枕書。老去故人多已逝，  
病來學侶未全疎。香芸有味求公是，緜竹多慙薦子虛。  
何似南湖堪坐夏，白荷花底數游魚。

新安吳東巖孫婦朱孺人殉節詩

問政山高雲纒纒，瑶姬夜躡青鸞尾。竹陰黯澹桂魄香，



左挹湘娥右山鬼欲滅不滅深屏燈朝來炎赫如懷冰  
爲郎無計挽白日妾命畢以朱絲繩郎家閨門若朝典  
一杯薑橘靈車餞誰知泉穴百年同不道歡言當日淺  
祖翁聞之泣且驚鉅篇上媿劉更生東巖爲作傳我爲作歌少  
塵土滌筆新安江水清

七夕後一日湖上雨後作

客攜河朔杯邀我汎湖水蕩舟荷花中山雲忽樓起隔  
花聞龍腥蒼茫不辨咫驚雷殷空曲驅雨入城市風迴  
白苧薄天開青柳靡餘飄灑平波劣見溼沙觜勇退熱  
屬斂戰勝金神喜差強丈八溝目無貴公子

病中承功干以佳鼓滿器見餉遂進淖糜率裁

小詩報賦

毘邪口醜欲談空幽豆提攜裹飯同不學南朝王散騎  
但和薑蒜挂屏風

舟泊平望懷王載揚客都下

平望亭前落照紅十年幾度繫孤篷湖田芋熟連朝雨

水國鱸香大段風泊宅荒村無釣安泊宅村在平望震澤間乃張志和所居見澄懷錄

耕閑舊里有吟翁孫銳字穎叔號耕閑宋末隱居平望有詩集六街塵土流連處曾

否吳歛入夢中

送沈丈樗崖游漢陽

長歌行色健頭白此揚舲江落小孤秀天寒大別青囊

中名畫錄槎上老人星歸去書能寄餐松對敬亭

小玲瓏山館月夜答方右將見懷

寒征背旅雁飛帆越江潯寂寥閉山館遙夜何幽森微  
月澹絕壁淒烟冑疎林登高眺平楚霜氣皓盈襟迴燈  
理故書忽見瑤華音攄情一何厚鳴謙已而深報無飛  
霞佩祇枉秋水心夫君抗高步浮止當可尋好修永自  
茲豈慮年鬢侵蹇予風塵際行役懷欽欽重城隔閭巷  
今夕如孤禽矧復千里遠離思紛難任對酒不能飲直  
爲君沈吟

過小玲瓏山館有懷樊榭用張司業寄韓昌黎

韻

歙縣

方士處右將

頑鈍苦檢束薄俗恣便安當前昧矜式頓失心志閑

繫我有良朋朗潤雙壁連

謂嶰谷半槎

駕言適虛館爰憩玲

瓏山古翠羅峭壁榮木蛻高蟬南風一披拂盪滌襟  
懷煩游目騁吳越浩渺烟雲閒念彼秋水人宛若珠  
在盤憶昨誦佳句導我百尺竿今茲苦離索雖美誰  
爲前何當過江來把臂期晤言

揚州新構梅花書院紀事二十韻爲秋玉賦

卽梅

花嶺舊址

一簣前朝築層臺久已傾榛莽誰翦薙堂廡忽崢嶸斷  
手由耆舊同心快落成喬林書閣迴疎影墨池橫帶草  
緣文砌衣魚走旅楹人來石倉學地勝月泉名都講堪  
重席高材自短檠俗將歌吹易氣以荳蘭更白雁江南

識紅羊宋室平雙忠同抗節百戰力嬰城純孝維桑重

天恩綽楔旌庭闈因愈疾笄幘獨懷清血盡棲魂館

肝日棲魂之館  
出沈亞之集

風纏託體瑩異時齊俎豆列屋若宗祊

書院之  
左祀宋

制置使李公庭芝副都統姜公才  
右祀

本朝肅孝子日曠婦某氏

始作圖經記姱修月旦評功逾

文太守頌徧魯諸生丹腹期千禩青鞵訪二鬢無忘等  
嘉樹有道補由庚爲約春初霽還尋郭外行仍持無算  
爵共聽栗畱鳴

### 金壽門有犬名曰小鵲要予賦長歌

高人寓物意本廉祝雞抱犢初無厭要與眾嗜相鍼砭  
何來小犬暫且黔細骸茸尾厥喙尖美淨不使塵泥霑  
似舐丹鼎垂檐舐碧桃花下瑶草馥仙姝門戶防俗覘

一聲吠上金背蟾何人盜取歸重欄先生得之笑娑矜  
勝聘狸奴裹吳鹽練香熏透毛鬣鬣字以宋產辭頗謙  
畫筒書櫃伺守嚴虹月舟載僧廬淹昏鐘幾杵霜氣銛  
麩炭火爐雪一杓讀倦抱汝寒無嫌主人齋盃芹茆醃  
飯餘分供味亦甜魚砧饒沫休重拈風人田車詠載獫  
卞彬險出決錄槩烏龍錦茵羨香歛冬郎妒媒語詹詹  
一時豪豔誠難兼愛才蕭僕得汝添絳繒不逐高門炎  
邊鸞爲君拂新練邊隨下視李迪筆勢纖低頭欲入衣襟  
檐歸來濤江卧茅苫越山鈿朵青刺簾手栽花護娛老  
導雪麋名共縹囊籤張伯雨還錢唐詩雪麋應護手  
栽花自注雪麋元州犬名也

冬日馬秋玉佩兮招同葭白祓江壽門廉風西

顥江臯集小玲瓏山館限韻時予與西顥江臯  
將還武林

誰道天涯樂飲仍清冬無事集吟朋畱歡短日侵簾額  
隔坐疎枝並石棱鄉思酒邊懷越酒舊聞燈下話包燈  
物華兩地牽人夢多媿離騷語斲冰

明季廣陵包壯行  
製燈有名號包燈

同作

錢唐金農壽門

少游兄弟性相仍石屋宜招世外朋萬翠竹深非俗  
籟一圭山遠見孤棱酒闌遽作將歸雁月好爭如無  
盡燈尙與梅花有良約香黏瑤席嚼春冰

臘日同周少穆汎湖

殘年風景得重經更借湖波倒玉餅寺鼓漸催沙草動

船窗纔放雪峰青酒壚泉下無消息舊曲尊前有典型  
舉似梅花知此意冰澌苔澀上空亭

時尺覺樂  
城俱下世

西溪曉起

以下乙卯

首春溪中寒偃卧如屈鐵宵分天柱夢覺來轉清切開  
門殘月在下見數峰雪雪際生白雲宵暎不可說登橋  
水市靜尋徑冰泉裂田翁尚無事初陽候林缺懷新意  
似欣理舊抱已結何如巖棲人難竹飯松屑

行田至荆山嶺下作

大山何連延細岑若迴顧中有微徑通兩村隔松霧平  
疇開朝日宿麥半凝沍雲根脈未洩涓流但微注野人  
籬落小鳴雞隱雜樹雖無汜勝書農話眷幽素稍營下



溪業更羨上洄住竹橋滑春霜往來定非誤

庭梅二月朔始花

牆陰的的兩三枝風信纔臨暝色遲可是春人易惆悵  
疎花明月不同時

臯亭看桃花舟中同孫瑤圃右階作

輕陰只傍北山阿游舫招要此再過十里風寒花淡淡  
滿塘春碧水羅羅不逢漁子應迷路喜有詞人共踏莎  
韶景依然年少去手中芳醞正須多

吳興月河雜題五首

炊黍重來負景光南風草木有餘香臨湖門外舟如葉  
看盡青蘆十里長

溪閣誰家有笛聲釣游無處不關情水雲寥落暮天出  
青翠數峯城上明

菱絲荷葉到堦除頗羨才人此卜居慙媿月河爲寓客

所聞前事不勝書

月河所聞一卷宋  
吳興莫君陳撰

隔溪燈火晚冥濛畱客空齋賭酒筒鄭重陸家兄弟意

夜涼笑語水光中

謂姚玉  
裁蘭成

燕燕交飛鴨鴨喧沿波思與故人言陳郎板賓榻知無  
暇安得往來楊柳門

鮑西岡明府罷官後十二年復來宰長興頃從  
授衣處讀其詩集作此奉懷

憶昔共年少論詩官閣曾赤衣今日盡白髮再來增會

面山雲隔彈琴溪月仍他時傳俊逸爭號鮑長興

唐改堂使君索和元日之作

夢覺鈴齋冷絮顛早分春到使君前朝正尙憶蓬山直  
課績應同韻海傳官琰嘗茶民事簡農家探繭物華妍  
楊亭謝館追遺蹟黃閣遲登爾許年

閏四月二十一日集竹墩積照堂聯句用顏魯

公石尊聯句韻

閏夏集嘉客夙起羅清尊

沈倫翁樹本

一郡山水古百年耆舊

存

鷗蘆深刺船影竹密捎橋痕

杭大宗世駿

乾鵲噪老屋長蚊

垂前軒

沈東甫炳震

趺然笠屐到宛爾昆友敦

沈釋蒨炳巽

棄捐薄俗

禮往復同心言

沈幼牧炳謙

茵溷各安遇蘭艾紛殊根

樹文縲本

藉貞玉白水擧芳蓀鸚戀三宿桑下畱十日平原世駿浪

浪雨鳴瓦滾滾雲出門炳急擬括羽似細並飛絲論炳

陰機幹溟滓神化合混元炳烟駕不肯駐日車豈愁翻異

樹林滋梅磊落溪暖萍温暎鸚積靄斂萬象大聲廢羣

喧世駿撻金協至聽漱玉清營魂炳連蜷蕉心展麗殺桐

花繁炳衣徽那可攬琴潤誰能援炳飄搖狎鷗鷺滂沱

沐乾坤樹本談豪袂時奮坐久燭屢捫鸚筆陣儼魚麗酒

兵猶蜂屯世駿韻艱困師服辭騁追文園炳天骨森笨尊

健格超籬樊炳詩鵠設三乏義途馳兩輻炳上下騷雅

際溯沿清濁源樹本寂憩蛤吠野倦欠雞號村鸚騎岑俟

景霽吐溜蒙霾昏世駿渴畏茗匳盡夢欣香鉅温炳吾儕

意氣合繾繾非懷恩

炳

題敬身所藏宋石刻劉商觀奕圖拓本次沈啟

南韻

翰墨能齊張璪名又從摹勒見圓成拓輕蟬翼渾相似  
筆細蠶絲不敢爭殘楮人閒無二本一枰松下有長生  
綠陰茗會清江上展向晴窗眼倍明

八月四日同沈繹旃幼牧汎舟後莊漾游上金  
寺

西風卷天雲水物覽澄霽輕舟屢敲側秋渚轉迢遶菱  
絲冑波鏡柳影出峯髻漁情滿蒹葭詩思落空翠向來  
境已遷弭楫到初地寂寂蓮宮開陰陰松子墜靜息僧

帷喧古見佛傘毀尋澗咽復流披篁亂無次虛曠絕塵  
機颯沓驚涼吹將還重裘回落日在巖際

下菰城

古城並青山烏鳥噪城上蘿侵女牆平竹惡樵路妨緣  
岡陟嶮危髣髴門有閔其中復何見飛藿隨風颺涼雲  
墮層阿林莽時一漲我聞春申君井邑此焉訪絕秦思  
重閉相楚取大壯遺功猶堅完故壘屹相向千秋同屈  
指事往祇惆悵

游菁山常照寺

余生嗜幽討輕身藉孤筇矧此吳西山歷歷青芙蓉古  
戍殘壁在小市樵人逢悠然無盡意一徑緣風松同行

二沈子妙語時相供稻塍度斜日預想聞疎春到門澗  
響合深殿香烟封碑鐫嘉泰牒活筆猶鸞龍追惟叔始  
年高僧隆茂宗畫充內供奉天笑朝從容携蒲襲蜀錦  
煥儼紅樓蹤

癸辛雜識思陵御府  
梵隆雜畫携蒲錦標

乞身向空谷說法鳴霜鐘若

人悟懸解了非罣曾閱世如浮囊誓願棲雲峯我來  
思展禮登臨悵何從傑閣聳遺構網戶光彤彤涌地憑  
佛力鬼瞰難爲凶

寺後高閣明時自范  
祭酒應期家移建

四周碧玉椽戛磨晴翠

濃太息萬緣幻轉向世諦慵矯首窄堵波卓筆深林重

沈襄敏公東涼山別墅晚眺

中田一拳碧落景淒百卉亭館野僧居陟剎今餘幾廢  
池浴獨鶴亂藤嘯山鬼堂堂太傅公平蠻功最偉雲霄

史臣筆風雨羣小誹至今行樂地草木眾猶躓相攜到

來孫清論翩有斐晚風吹漁歌秋入西塞尾

倪文節公經鉅堂雜志云下菰

菁山之間一帶  
遠山爲西塞山

### 雨中舟過衡山漾

竹溪止三宿流連極文謙遂爲郡中行解纜疎雨濺芳  
尊惜墜歡澤國起遙眇沿洄舟轉滯風逆如激箭出浦  
卽通川川光遞隱見白雲被青嶂彌望鋪組練居民非  
楚俗商氣滿吳甸誰能生古愁坐令齒髮變

### 晚霽登峴山寄吳丈琳巖

蒼巘際遙汀歸雲不復吐乘興事攀躋一一辨村塢去  
鳥淨華雲來帆出疎樹伊人渺何在咫尺隔前浦空亭



瓦影落荒碑  
蘚痕聚斟酌  
千載心石尊  
貯秋雨

中秋月夜吳興城南鮑氏溪樓作

銀雲洗鷗波  
月出玉湖口  
照此樓下溪  
交影卧槐柳  
圓輝動上下  
素氣浮左右  
坐遲月入樓  
寂寂人定後  
裴回委枕簟  
窈窕穿戶牖  
言念嬋媛子  
牽蘿凝竚久  
納用沈郎錢  
笑沽烏氏酒  
白蘋張佳期  
彤管勞摻手  
乘月下汀洲  
遙山半銜斗  
明當渡江時  
復別溪中窵

正月十九日探梅入龍歸塢晡至西溪

以下丙辰

辭舟理輕策  
高處望溪源  
日落泉明滅  
山空氣晏溫  
亂疑雲滃竹  
香訝雪分村  
欲就梅花宿  
春風爲埽門

春晴登吳山同竹田江臯西顥聖幾作

振衣仍得躡芳塵，追逐風光似有因。  
燈市乍收三日雨，酒樓遠接一湖春。  
山王不入林中詠，陶謝居然我輩人。  
誰賞鈿車來往路，落梅如雪撲吟身。

鬻書和沈峙公

收處心常損，拈來淚欲垂。  
誰憐非長物，竟遣易晨炊。  
宿讀人難得，長貧我自知。  
祇愁肉食者，還有鬼名啣。  
南史人勸柳津

聚書答曰：吾嘗請道士上章驅鬼安用此鬼名邪。

西湖柳枝詞六首

相識東風萬萬條，冶游付與玉驄驕。  
等閒回首情難盡，行過長橋更短橋。

藏鴉門外綠，悄悄染雨烘晴色。  
漸深底事錢唐蘓小小。

不將翠帶結同心

千絲踈地復臨湖  
記得年時賣酒壚  
惟有箇儂偏愛惜  
三眠還要倩人扶

芳草春來斷客魂  
楊枝只合伴桃根  
滿湖碧水游船散  
西月東風在寺門

鬪盡纖腰一兩枝  
水仙王廟日斜時  
青青不許游人折  
細葉如顰更泥誰

路旁烟態冒朱樓  
長送行人千里游  
願作湧金門外樹  
生來渾不識離愁

趙忠毅公鐵如意歌

上有銀鏤銘云其鉤無錢廉而不刺以歌以舞以弗若是折唯君子之器也趙

南星凡小篆

二十六字

鐵花鏞澀尺有咫一朱冷雲吹不起四周銀鉞篆畫巖  
古器曾經近君子高邑趙公卓犖才東林黨籍標渠魁  
要扶眾正黜羣小不悟晚乃爲身灾高皇辛苦營九有  
輕擲乾坤崔魏手椽人假子滿朝廷豈獨見泉竟無後

見泉無移趙公目南樂魏廣  
徵語見泉廣徵父允貞號也

廷推禍伏三案根遙遣荷戈出雁門

匹如祥磨在苑囿獫狁構杙驅之奔擊壺歌罷提攜舞  
北闕關心淚如雨恨不親將逆豎頭碎如王氏珊瑚樹  
力疏四害論四凶

公於神宗朝爲選郎上四大害疏光宗朝爲總  
憲斥元詩教趙興邦官應辰吳亮嗣著四凶論原鑄

禹鼎代天功人閒萬事不如意佳名真與奇觚同鐵兮  
何清寒乃是公之忠義肝鐵兮何突兀乃是公之戎死  
骨我購得此常賣家傳觀四座寂不譁若采銘文備史

事流傳億代可以箴官邪

飲城東許氏水軒二首

主人高閣外野趣一區寬  
細草漸如徑春波屈曲闌  
拖舟無不可命屐此來看  
商略吹花雨幽懷禁薄寒  
年年行樂意人事每相違  
畫角高城動梨花薄暮飛  
眞成客不速猶道醉無歸  
歸路惜分手殘陽在袂衣

七月十五日夜宿羊流店望徂徠山同功干作  
圓月出蒼莽涼風生樹閒  
流光滿空際西照徂徠山  
越客寫鞍罷魯人炊黍閑  
因之惜清景露坐話鄉關

白溝河懷古次壁閒韻

一片塵沙閱世餘  
薊門烟樹望如初  
茫茫古道聞蜚語

寂寂荒村上蟹胥奪取瓦橋周業盡畫成帶水宋謀疎  
紫蒙何處秋風館戴斗空傳奉使書

十月十三日接葉亭畱別金繪白金壽門符幼  
魯全紹衣王載揚申及甫汪西顛

醪飲非關醉浩然吟復吟客心如落葉遙夜感羈禽文  
史耕漁用春秋保社尋明朝驢券後一幅寫寒林

歲暮行答蔣丈雪樵

歲云暮矣百工休幽人閉門清似水無錢何處貰芳尊  
有鳥多情啁梅蘂忽傳白髮杜陵交落手長歌在連紙  
自言賦命坐天窮爲灾頃遇吳回氏三閒老屋付無何  
數簣殘書嗟已矣且須逃債類謬臺只合忍飢如甫里

蕭條身事集闌年欲喚奴星行且止我棲山澤久沈冥  
卻因公府相料理邪麻爭笑伯龍癡漫浪翻成司馬悔  
歸來時序已趨趲跌宕依然向文史良辰相與撰逍遙  
剛卯旋看書殺改安今有道能不憂藥賣伯休聊爾耳  
明朝三徑轉春風連襪追游從此始

樊榭山房集卷七

樊榭山房集卷第八

錢唐厲鶚太鴻

詩辛

施竹田移居

以下丁巳

後洋街畔城西隅客來愛君屋上烏清涼居士跨驢處  
君今寫入移居圖妻孥絕類楊通老板輿況有白髮扶  
人生鄉里聊自足勝彼蓬轉無根株東風吹換幾甲第  
玉川破屋天壤俱石香詠室是新署有待花藥流芬敷  
青山一桁出埤坵數步卽瞰錢唐湖開年殘臘景相接  
大篇小句如聯珠祭竈請鄰亦不惡載艫迎富誠何須  
迎富事見廣川畫跋春宵得酒更招我牆腰淡月吟模糊



二月一日汎舟西溪

孤游避妍晴入艇極淒冷滿空春雲生冥冥垂半嶺花  
村下微霰歷亂不復整夤緣出溪口始見一峯影犬吠  
暮烟中似宿武陵境懷我同心人燈青曙耿耿

入河渚泊古梅花下

春水何緩緩入浦挈音徐隔林度山雪陰雲晦潭虛搖  
颺不逢人幾曲心悄如著船梅花根厓冷苔痕餘脩篁  
暎寒色紛然月生初粼粼影欲流曠望通前渠忘言寄  
物外獨往仍相於日夕風更起髣髴攬我裾

新霽自安樂山至秦亭山道中作

肩輿雖勞人幽尋息吾趾還如履白雲橫度青嶂裏一

里一裘回林鳥哢遲晷稍稍數家村  
剡桑課春事塵網  
幸見疎吾土兼信美野風香落梅深竹照流水  
昨來忽  
晴陰浮生正如此猶持入山心  
邈迤向城市

同授衣話吳興舊游

昔年曾記共清歡水國樓臺入夏寒  
好事故人分茗供  
高情太守借山看過橋樹色濃於畫  
掠艇溪光染未乾  
安得與君常泊宅更無塵土汙毫端

同作

錢唐陳章授衣

春風陳迹已漫漫爲話蘋香憶碧瀾  
四月桑陰門巷  
綠半城溪色市橋寒老漁舉網銀刀出  
少婦繰絲雪  
繭殘果有心期不相負三閒水閣未應難

四月十一日客廣陵秋玉佩兮招予同爲京口  
之游晚雨泊舟入高旻寺

龍宮晚沈沈天人衛庭戶清泠七葉林幾點摩羅雨門  
前爲通津方袍自安處孤塔倒池深定禽隱花聚采眞  
具扁舟信步皆淨土睟容睇如空心叩寂寞取

曉霽出江口望五州山

夷猶方舟發曉色江上微初識五州山向來知是非洩  
雲獨未斂淪波若無依連林翳更吐秀岑覲復違徐聞  
風荻偃氛淨浮陽暉淹畱惜去權賞此忘朝飢褰裳願  
旣謬尋烟跡亦希偕我漁釣侶眷言翦荷衣

重游焦山信宿石壁菴二首

神山眇何許欲往不可求  
焦公樓隱處湖沿成後游  
眾木生夏寒絕壁銜僧樓  
綠陰下無地江影如雕鏐  
移來天外帆淼晶胡豆洲  
一窗納萬里波遠斜陽收  
禁足花幢古攝衣篠塢幽  
他時風雨至或見飛龍秋

成連去我久清興窈如昨  
來逢海月明遂踐攜琴約  
淙淙水鳴絃心手兩無著  
餘音入風林坐使衣裳薄  
夜分江斐悲古調久不作  
行將徧名山遠夢接衡霍

登甘露寺多景樓

紺殿壓山脊細路蟠雲根  
重摩衛公塔歲月何崩奔  
名蹟久飛灰很石無畱痕  
英雄氣已盡回向寂滅言  
江天風色涼晏坐開北軒  
羈情尙隋苑歸思過吳門  
四月南

紀綠布穀啼千村遙知舟中望楚客多傷魂

招隱寺

戴公遺青山松門限畦畛清風入仙梵雲壑流不泯空  
香層構出密葉長廊引西窺鹿跑泉林影寫鏡錦故人  
李約輩藉草共瓢飲微聆得至音寒漱有餘凜荒臺傳  
蕭梁亂石如插筍讀書今已無耳學予自哂古事滿禪

關追尋恐難盡

山上有昭明太子讀書臺

重游鶴林寺

晝長愛清陰竹輿穿野田寺門對峻嶺標致餘千年塵  
網米老像香冷馬祖禪空院何所聞啄木聲琅然頽垣  
斂古色剝鮮出殘鐫高吟亦云苦後代誰爲傳老僧修

故事補植紅杜鵑可惜無客賞流豔照山烟  
搗來跡宛宛久坐風翩翩共證不壞性且就  
虛堂眠

題禹尙基畫白桃花

樂府爭傳渡口歌淡妝奈此折枝何冶春合  
就雲爲夢笑月應憐玉作渦盧女後時鉛粉  
薄劉郎重到鬢絲多亭亭付與徐黃手輕著  
宮衣襯碧羅

曲阿道中偶成寄秋玉佩兮

吟罷江山助發揮沙鷗相與共忘機天隨杜  
野小辛去帆傍涼風深樹飛浪跡只今堪寄  
傲遠行苦愛不如歸故人知我宜銷夏遣製  
湖邊白葛衣

太平御覽引吳志岑昏擊丹徒至雲陽杜野小辛閒

皆斬絕陵襲施力艱辛杜野屬丹徒小辛屬曲阿

幼魯第五女生命名曰卻盜爲賦詩

爲盜不過五女門鄙諺得之陳仲舉女能貧家自古然  
云何生女哺用脯近來名女取於斯錢唐有客符幼魯  
大者笄總已選壻小者扶牀或索乳雙鬢又復弄嘔啞  
誰言耳耳非佳語偷兒昨夜徒手歸正坐詩窮由阿父  
幾年烏帽走京華數升紅粟分天庾聊將孩稚作解嘲  
置酒倒箱情太苦江浙人生女多者畢嫁作  
倒箱會見莊綽雞肋編佗年牽犬亦足辨  
補見切會見歸寧拜翁姥我聞女不貴勝人興門之男衰門  
女慰情目前雖可喜緩帶心期終不沮爲君試誦蘭偉  
房若比徐卿神所予

答沈申培見訪之作

雨入南湖動小波  
造緇有客肯經過  
階荒只是蛙難禁  
門靜兼無雀可羅  
沈約舊吟雌霓好  
陳陶漫著癖書多  
人閒回首皆塵土  
始覺相期在礪阿

雨後南湖晚眺

新漲夜來平  
釣磯田家橋外涼  
潏激湖雲倒  
破山一角  
水葉亂搖風  
四圍六月披  
緜氣候變  
扁舟弄笛行人歸  
吳興城南我舊識  
小水晶宮知者稀

南湖杭人名白洋池葉紹翁四朝聞見錄云白洋池在田

家橋側號  
小水晶宮

夏秋之交卧疾南湖草堂  
辱竹溪沈六幼牧以  
佳句三首見寄如數奉答

經旬外戶不輕窺  
當暑懷冰病亦奇  
雨久蟻衣生壁早



夜涼螢火入簾遲，毀茶恐被高人笑。時以肺寒禁茗飲稱藥甯煩。

妙友爲灑灑，心清無睡處。幾回落月有餘思。

溪堂十畝竹中居，數朵當門峯儼如。十字水分菱葉外，三家墅繞豆花初。珠聯羣從皆能詠，玉立諸郎盡解書。記得綠陰移櫂去，開尊聽雨卽吾廬。

夾山碧浪共縈回，佳處勞君憶不才。安得元真蓑笠載，先須摩詰畫圖開。鷗邊信誓明如日，菊候風流欠此杯。直待歲寒深雪裏，短篷安穩覓詩來。

寄調大宗納姬京邸

才子西清近接聯，鈿車初駕正華年。由來燕玉多能煖，何況張星本在天。學拜牀婆先鎖院，預修眉史有如椽。

故人遠在江湖外未得親逢卻扇筵

八月二十五日病起吳敦復邀同宣城沈丈樗  
崖符幼魯施竹田王磨徵趙誠夫汎湖

八月杭州好天氣病餘來上汎湖船西風爲我健詩骨  
鷗鳥狎人如水仙白髮交游幾輩在秋陰酬倡十年前  
辛丑秋日與楞山幼魯竹田諸君賦湖上秋陰詩忽忽十七年矣四山涼翠滴杯底看斂斜陽雉  
堞邊

題貞松慈竹圖爲歸安陳節母作凡五章

申培之母

竹兮無心榮悴忘只松兮有心飽雪霜只  
南榮竹雨北牖松颺有蒼者母聽而凄其  
維竹之慈子母鉤帶母也似之訓育罔怠

維松之貞柯葉不改母也似之銜辛卅載

子賢而文母壽而康何以娛之松竹在堂又何侑之歌  
吟鏘鏘

侍讀徐壇長先生八十致仕書來索詩賦寄四  
首

風華江左流傳別道脈閩南似續餘大好玉堂揮翰手  
廬陵文字魯公書

特起孤臣出薜蘿抽簪旋許主恩多鄉人尙惜懸車  
早已是懸車十載過

曲臺集禮聚諸生遠壓高齋學士名頭白成書猶有待  
儒林依舊屬遵明

杖履蕭閑楚水旁  
歸然海內魯靈光  
自從醞得詩書味  
別具天人一種糧

秋日同高西唐游鐵佛寺

寺在揚州北郭爲五代楊行密故宅

樹壓平岡碧殿孤  
我來何處弔楊吳  
佛從劫火銷時見  
秋到遙天盡際無  
草亂難尋朱瑾墓  
鴉歸猶學黑雲都  
淮流不洗當年恨  
誰與英雄酌一壺

閏九日客廣陵同金壽門陳授衣閔廉風江賓  
谷集吳氏城東水檻

百年難遇此佳辰  
料理殘秋發興新  
小戶仍修送酒事  
薄游先約試香人  
鉤簾鶴柴涼移影  
俯檻魚牀淨洗塵  
爲謝紅橋兒女道  
不將歌舫污青蘋

張約齋賞心樂事  
十月詩禪堂試香

秋玉游洞庭回以橘茶見餉

若士愛遠游逸翮不可攀朝乘一掌風夕至洞庭山習  
吞三萬六千頃大圓鏡裏八九羅烟鬢奇文祕句滿滕  
笈山中清味攜俱還餉我洞庭橘赤如莫釐峯頭日白  
傅揀貢餘右軍封題畢翦從平蒂閒折技逆鼻香霏甘  
齒溢緘藏歸待獻老親不數湘湖楊梅頂山栗餉我洞  
庭茶鷹爪顆顆先春芽虎耳近無種剔目名可嘉功能  
徹視比龍樹金鏡不怕輕翳遮淪以龔春壺子色最白  
啜以吳十九瓊浮雲花翩翩風腋乘興到左神幽墟列  
仙之所家告訴我生困識字素書探得何足誇許我紫  
泉白芝鍊毛骨大勝塵土蹙蹙於天涯

題秋玉洞庭詩卷後

自古浮天兩洞庭千年詞客幾揚舲  
愛君淡著有聲畫收拾秋光補水經

長至日雪次聖幾韻

荒徑人如埽葉稀歸來畏影掩雙扉  
故鄉自異他鄉節三白今看一白飛  
積處但添梅格古烹時更助玉池肥  
歲寒與子成來往大好湖山付落暉

答沈東甫病中見寄

寒卧湖村聽雁聲來詩力疾見君情  
天公應是憐清瘦饒喫年年一箸羹

小雪初晴訪敬身於城南同游梵天講寺延攬

江山之勝衰徧久之敬身得五字古體一章予  
次其韻媿不稱也

平生重心朋造訪起寒早坐對屋外山無醜祇見好遂  
果古寺游雪後風力小點素在巖粵插翠出樹杪露槃  
雙蹲蹲檀越誰戴素用梁沙門法雲答周捨語願服埽塔衣頂禮向雲表  
故人詩格健饑鷹獨奇矯指示乾德年備史藉稽考井  
泥墮軍持野火飛佛爪歎息殿翼空閑房叩幽窅影壁  
轟煥儼經函闕微眇重過歷十霜彌覺竹石老試問護  
伽藍江月幾回曉卓哉眉山翁心地久汎埽白氎借餘  
溫一聽妙聲鳥

原作

丁敬

朝來幽事動良友過我早清游敦宿昔一雪晴正好  
邈迤城之南幾度略約小蹋凍乾蘚坡徙倚疎林杪  
礪風劃松雪殘玉落翠燾錢王此締構突兀雙塔表  
劫火雖皴黻勾勒猶天矯金容歸浩空追蠡翳勿考  
依稀景泰字剔辨勞指爪靈鰓應就蟄寒螿懾深窅  
衰回日亭午古意益繇眇高僧句通禪心折玉局老  
月履疑往來烟鐘寂昏曉久立肌骨森煩慮脫如埽  
江光瑩不搖極目點雲鳥

至後暖雨復雪旬浹不止得詩三首

水泉冬不枯簷雨何浪浪夜半礮礮明誰發天地房化  
匠有迴斡風霰凌朝光煦燠不可恃君子履其常



王氈旣落毛謝屐亦敗齒雪片劇銀箭急響撲窗紙堆  
堆山宇坐寒燼挑未已欲喚李書生攜卷向星子  
快雪如故人歲寒輒復來皎然照籬落一白無嫌猜朔  
吹爲宿留十日相裴回眼中昨暮兒擾擾眞浮埃

雪中聖幾招飲秋聲館用前韻

高閑今似偉明稀遲我衝寒款竹扉笑伴近來雲易散  
吟情豪甚雪爭飛力將陶謝追風雅恥共張何較瘦肥

三輔決錄何氏肥張氏  
瘦二族以此知貴賤

玉茗花前一尊酒病顏先爲發春暉

南湖殘雪追和句曲外史山居雪霽韻

隱居佳處南湖上雪後年年遠目凝轉巷山光猶浣粉  
入樓柳意半銷冰平分幽事晴沙鷺老我心情故紙蠅

絕勝蕭疎范寬筆內家休背鵝紋綾

次韻

錢唐符之恒聖幾

先生闔戶坐十日隔城山雪遠銷凝南湖幾樹老臨  
水東郭有人來踏冰靜翫遽廬散野馬微吟石鼎笑  
蒼蠅病懷近愛梅花衲不分香寒半臂綾

立春後一日集吳敦復餅花齋次竹田韻

淨几單牀月上初主人對客似僧廬春來預作看花約  
貧去宜求種樹書隔巷舊游成結托十年豪氣早銷除  
依然不墜風流處五畝園開手翦蔬

原作

錢唐施安竹田

一宿東風雪盡初青鞵三五過林廬深宵且對故人

酒淨眼同看善本書飯顆中年吟易瘦梅花老屋歲  
將除春來自笑生涯儉擬伴園官斲凍蔬

次韻

仁和王曾祥磨徵

眼看時序又春初枯坐經年此屋廬客至殷勤畱半  
榻酒闌珍重說遺書荒街共聽更三點殘雪猶分月  
滿除好事主人情轉劇辛盤還約試嘉蔬

時予下榻齋中

徐丈紫山今年八十三矣居清波門外湖濱病  
足不出戶日事吟詠寄示近作賦此仰酬

兩年不見紫山翁聞道嬰顏尚舊紅腳疾偶然徐道度  
詩名合繼鮑清風

宋鮑當居清波門外有詩編曰清風自號鮑清風

支離一榻惟觀化

珍重雙餅但餉空有約嚴城苦相限柳洲乍可繫低蓬

題敬身所藏崔子忠伏生授經圖

樹底危坐秦博士頭童背僂須眉蒼彼姝侍側兩鬢妥  
啟辱似有聲微颺一人炯視面若削高冠褒衣意則莊  
刻深頗似見顏色穎川掌故稱智囊據石作几俛首聽  
手操不律書幾行登來化我本齊語豈至難辨如公羊  
此時未有蔡侯紙非是簡策應縑緗羸灰旣冷孔壁匿  
聖權獨賴生扶將二十五篇復繼出微言大義難低昂  
後儒往往疑作僞欲與百兩俱淪亡典午清淡那辨切  
此地下齒冷梅豫章操矛入室真鹵莽安得生也相撐  
搪北平崔丹古節士布袍草履神揚揚貴人乞畫怒不  
與槁死土室甘饑甃龍泓館主得小軸晨夕坐對齋屋

張遺經獨抱湖姚似樸學正可傳諸郎猶勝濟南一女  
子宛轉膝下青桂裳

擬冬堂贈辭

井序

乾隆丁巳夏五子抱嗽上氣之疾歷秋乃瘳家人以爲  
有妖沴焉歲除前四日命巫歌樂牲醴送之周禮所云  
冬堂贈無方無算者此其遺意歟因擬爲其辭兼用杜  
子春後鄭二說以俟采詩者

節嘉平修望祀屑瓊糜香猗靡蘭肴芬椒醕旨青蜺旌  
兮旖旎陳絲簧兮眾技送將歸兮水帝子媵游光兮從  
宜樹攘殘陰兮除舊皇穹甚仁兮灾不可又女娛游兮  
康寔之野桃爲弧兮茅爲馬召靈氛兮占太人五窮遁

藏兮壹氣孔神倚東風兮祝蒼華區陬兮密清梅枝兮  
橫斜

鄭筠谷宮贊姑孰書來兼以歛墨八枚見貺賦  
此代札

故人校文在江介十年閒闊訊平安素書忽照春坊字  
漆點全分墨務官舊史發凡憑綴述筠谷嘗預修明史小詩何意  
助波瀾風流轉憶今來少欲往青山道路難

除夕意林送糟藏松江鱸魚戲報以二絕句

今夕椒盤興不孤一坩添得四腮鱸釣公近有松江信

滿眼烟波陸瑄湖

皮襲美詩釣公來信自松江

衡門一任歲華流老矣何知事五樓忽覺頭銜兼兩地

鱸鄉亭長醉鄉侯

正月九日夜同人集飲繡谷亭限燈字

以下戊午

招尋芳夜興堪乘四面垣衣一架藤亭角夷猶新月上  
春心牽率曲闌憑漸生白髮惟耽酒爲祝東風莫惱燈  
從此樂方須次第好將倡和擬松陵

同吳西林汎舟西溪看梅

緩櫂縱遙目心與春流平邀侶以事解得朋因寡營峯  
色烟上霽竹風沙外清一夜叢梅發幾處山窗明香中  
林鳥語引我沿溪行積翠點殘雪陰淡寒自生西崦未  
云夕東畚方可耕稚子肯迎客花閒啟柴荆

尋泉源入西木塢

西峯偶通人蘿蔦極幽蔚崢嶸歷礪泉徙迤殊未旣積  
陽明亂流春田相經緯遠處落空林數家住雲氣竹根  
漱潭隩汲飲有眞味將尋阿對居樂飢豈無謂

曉過福清竹院

探幽勇晨興靜院鐘未歇晴烟映竹澄殘月轉花沒地  
僻養靈姿氛潤蒙玉骨有如列仙儒初日晞薜髮深山  
畱古春凡豔想易竭老僧空色相折取供白佛護此無  
盡燈常依妙香窟坐聽籬落閒絲羽嘯清越

放舟河渚至蒹葭里

梅花界北渚流水與花俱隨花入水源單汎向輕鳧白  
雲何方來亭童過舺舫芳洲始瀾漫倒映如敲湖與子



濠梁意久脫塵事拘持頤得靜觀短楫畫菰蒲際岸見  
山影尙隱殘黃蘆灣洄轉多態中吐浮覆孟梵放知有  
人漁歌憶吾徒翻然掠波去淡淡春烟無

始游木橋是梅花最盛處

地近高氏竹窗

略約舊通舟幽徑緣溪迴青山似遲客一一花上來迷  
濛始難辨的皪驚已開髣髴合江路五分春信催此地  
感興廢豪貴荒池臺不改蠶漁戶並花分水隈晴昊少  
風雨古樹多莓苔願就餘杭姥吟翫傾深杯

擬游橫山不果回舟有作

市盡松聲孤野曠山勢遠橫山不可到深秀紛挂眼永  
懷江居士高眠絕異患靜笑泉出谿冷愛雲在巘穿翠

若飛梭嘉名錫策蹇伊余有同心未愜結廬願誰云惜

早芳惆悵回橈晚

明江元祚邦玉築橫山草堂攜家隱焉有壘名曰梭翠除夕山居詩云靜隱空山無箇事祇憐溪水一年忙高

致可想也

### 哭沈東甫

曲曲溪雲抱隱居晚年問葉結相於緇塵別後山河隔  
白社生前笑語疎高允誰爲徵士頌嵇康久作絕交書  
篋中糾謬存唐史尙有兒孫檢蠹魚

吳興諸沈問葉不問房出范摠雲溪友議君所著有新舊

唐書合鈔  
若干卷

### 晚過奔牛堰聞杜宇有懷汪西顥在析津

古堰經由處蜀禽啼暮雲風多聲易失林靜語初分歸  
客尙爲感居人如不聞萍漂南北路因爾惜離羣

小舫次姚茶山韻

波平風定去猶遲  
低拂藤枝與柳枝  
長短橋通新雨後  
兩三客坐夕陽時  
紅窗旋學蘇州樣  
白版閑題杜牧詩  
略載些些脆絃管  
看君不似釣魚師

南湖中元夜

秋逼空街響暗葦  
烟波館外覓行蹤  
入懷驟覺風聲薄  
出海偏驚月氣濃  
野寺酸文招薜荔  
水樓隱語託芙蓉  
悵悵悄悄年年事  
涼著疏簾第一重

施北亭攜酒湖上

滿意扁舟拂曉催  
涼雲遠岫自縈回  
詩從青箬笠前得  
秋在白荷花上來  
老色漫隨時序改  
好懷多爲故人開

雞頭菱角香無限  
除卻江南無此杯

秋日過吳西林郊居有作次韻二首

相對吳居士清風自滿襟  
迢迢黃卷事寂寂白雲心  
瑤瑟一以汎素塵無復侵  
誰傳寡女怨彌使古情深

時西林鼓自製

瑟作黃鵠歌

幽意紛無數起行平野閒  
秋陰在深樹風氣似空山  
寺古尋僧去村遙冒雨還  
君家饒鳥雀能賞此時閑

原作

仁和吳穎芳西林

客意適林野柴扉聚素襟  
飯遲花飽眼談淺瑟傳心  
荒遠秋先得紛埃事不侵  
飄蕭門外葉餘興絲蘿深  
迎暮咽寒蟬穿松入竹閒  
訪秋吟過寺拚雨坐看山

深樹擧車接長汀  
撩網還不離城市  
遠隨意水雲閑

同張妙峯探梅西溪畱宿永興寺

以下已未

張侯崇清真名理似禪伯  
可與溪中游戲歲事幽適扁  
舟掠雲林側帽望青壁寒逗花信遲  
叢篠綴疎白微香閉空崖陰曠久未釋  
淒淒烟雪零黯黯羣峯夕言造獨園古  
唯有定水碧西風轉澄廓霽色上烏翻  
紛吾懷故人存歿感在昔

昔年同游諸人唯聖幾已歿

惆悵依佛燈孤光照泉石

新晴汎舟河渚過曲水菴

春宇得風霽景氣亭午佳微霄動川影夾岸吹寒花舟  
行不覺遠來訪釋子家聞磬尙隔浦登閣如浮查當境  
寂爲樂徧知生有涯願於繩坐參幽蹤寄菱葭長者號

流水童子能聚沙他時記此會竹外青峯斜

法華山下詣太虛上人雲棲別室

閑門向深山山翠莽回互上人龍眠秀蕭然挂巾屨自言少年時幾爲世網誤辭家二紀餘空有捐萬慮見客久杜口契我若雅素不隨雲出溪惟學藤倚樹如聞竹林僧復論巖壑趣後期指庭梅裴回不能去

回舟經深潭口至秦亭山下作

平生塵累少隔年微意申及茲共沿越謝彼風波民窮幽閒藤竹值曠迷涯津春潭易爲綠兼之山氣新青山時近遠乘流凡幾轉不見花間人惟聞桑下犬飄颻時氣舒平臯天容淺篙舟入翠微枉渚何知返

同西林櫻桃花下作

飄零梅雪一堦平，又見櫻桃照眼明。  
春色相催無俚甚，酒人散盡可憐生。  
施朱施粉妝難就，非霧非花畫不成。  
只有南朝宮體在，與君相約賦閑情。

同吳西林城東看花遇大風戲爲長歌

城南看花誰作羣，好事競造丁隱君。  
城東看花寂寥耳，相待獨有吳居士。  
新花破萼初滿叢，沙河浩浩揚天風。  
已看野渚動平碧，更覺連林搖亂紅。  
提攜叮嚀羨驥子，時西林令子出沒葭葭多漁翁。  
過橋人似六鷁退，沽酒樽象乾同行傳三雅。  
空風光如此，肯虛擲閉戶先生真。  
可惜澆花擬向卜公墳，彈絲亦就周家柏淵明。  
子皙兩達人，天地寧

非百年客有足愛踏三家村有裾不撇七貴門模糊落  
日望未已遙山渲出臙脂痕今朝風起花鞦扇莫使遲  
來花似霰好將健句當青旛日日花前一相見

玉泉寺題壁

春來古寺聚輜駟魚樂魚驚鏡裏懸去盡游人寒食雨  
和花流出鮑家田

寒食前一日同竹田曦亮諸君汎湖

春陰一望黯迢迢山淥湖光自動搖過眼年時百五日  
關心節物第三橋香飛花片來杯面寒送東風入榜腰  
油壁車輕歸路遠雨聲畱與可憐宵

哭長城王立夫



酒杯曾記共秋堂廿載流年抹電忙敬禮小文誰可託  
著明凶問轉難詳圍屏夢噩猶回首泉穴愁多也斷腸  
何日水花風葉路藝香山下弔王郎

君以事累速繫得釋歸六年而卒

三月十八日同磨徵瑤圃右階蘓門游南屏山

南山三月暮幽暎此林阿僧寂房猶在潭空客再過洗  
松看塔小坐石見湖多卦剔孱顏字吾今悟刹那

昔訪亦請上人

於此已二十四年上人化去久矣

同作

仁和孫庭蘭瑤圃

杖履陪清暇憑高上翠微崖碑隨徑轉樵語出林稀  
眾綠接湖水殘陰帶夕暉休嗟春事晚流翫竟忘歸  
湖心寺見柳花作

亭亭酒舫著三潭  
楊柳飛花水染藍  
卻訝春衣風力緊  
一天晴雪過湖南

同作

仁和孫廷槐右階

楊柳千條拂釣磯  
苦將飄蕩勸春歸  
水心寺裏長廊外  
不見花開只見飛

題汪近人移居圖

買屋古城下  
聞君喜客尋  
圖書初檢校  
鄰曲共幽深  
埽壁除蛛網  
開窗納樹陰  
自憐流轉意  
對此一沈吟

五月二十八日渡太湖至吳江作二首

千古繁華地  
茫茫浸遠空  
猶傳澹臺墓  
不見吳王宮  
一鳥墮寒鏡  
眾山移釣篷  
如聞習流戰  
零落藕花紅

孤城繞江色深覺此生浮雲木秀田舍水風清客舟凭  
闌還放鴨吹笛更驅牛許我將家具林塘卜最幽

大雨泊塘栖稍霽行二十里復雨二更餘達杭  
州仍宿關外

嬌雷挾雨來頓失溪光明縛船並溪閣看盡瓊瑰傾遠  
山秀羸見近山頽髻呈澹碧那可畫洮沐紛逢迎山雲  
斂復吐櫂入青蘆雨林鴉未起時翻疑宿淮楚

夏夜同茨簷北亭飲章緒弘南軒以布囊春醉  
酒錢麤爲韻予得第二字

快風何由決土囊開軒此夕迎微涼南花破暝開且落  
北斗挂林低復昂愁裏著書準虞氏酒邊暴謔如鄱陽

坐無拘忌可作達籬外燈青歸路長

北亭分得麤字詩未就戲爲促之

緣陰園館昨經過洪飲分明似卷波賸韻已聞拈競病  
清吟定見和羊何遲畱十手傳鈔興停待雙鬢畫壁歌  
詩將自來多整暇其如劇壘致師多

重過秋聲館追悼聖幾

斜日生衣更一來竹邊門戶訝風開展書誤字曾親勘  
撫樹新陰尙近栽已是披帷無處所何因化鶴再飛回  
牙絃一絕千行淚山水清音爲寫哀

秋曉過敬身幽居

蕭晨出南郭雲氣拂衣流蘭發空林雨客來江館秋鄰

雞明復晦梁燕去仍畱好在青楊巷題詩語最道

次韻西林和徐申來無酒

我生少食酒所賦有定命眼雖識杯鐺濡脣蓋天性往  
愛同醉醒近頗鬪豪橫五斗昔稱賢千鍾古云聖沈當  
戒豐侯嗜或敗齊慶此中得失林覩縷豈易更達人飲  
無何不諱一日病徐公高士孫申來爲徐世臣先生孫先生注名復社後爲僧名淨挺酒  
德頗雅正空抱瘦木瓢乃似僧盃淨種黍思東臯挹漿  
指西柄長吟君試和滑稽漫嘲評絕倒禁釀語倚閣招  
手令乞疑申西虛呼肯庚癸並君著北山經樂勝奉朝  
請奚煩未啐勤但舉先酌敬初筵若參我微酣破幽篋  
一壺送汜潛入咽如去鯁

七月二十五日作

頌酒無能合閉關小庭幽事詎全刪樹留晚雨兼簷滴  
闌卧秋花亞石斑涼暑未平憐屬疾夢醒同趣憶看山  
何時竟得消摩力六尺烏篷自往還

予賃居南湖上八年矣其主將鬻它氏復謀棲  
止瑞石山下有屋數楹東扶導予相度頗愛其  
有林壑之趣以價貴未遂也因用癸卯贈東扶  
移居韻寄之并邀城南吟社諸君共和焉

性僻愛高棲依山靜聞見懷此已有年五藏待灑練夙  
契西谿西花深地頗善近便城北隅風漪展湖面廡下  
終借人彈指信流轉素交張長公謀爲置破硯林扉並

南麓江影白成片峯敲翠笠入巖裂泉自薦消搖隔市  
聲聊可寄幽眷老大役生理來去如社燕誰營草堂賞  
坐使襄陽先洛中見山錢囊空復何遣胡顏謝嵐霞緘  
口向親串瑞室頌有時祇恐年鬢晏

樊榭山房集卷八

樊榭山房集卷第九

錢唐四厲最鶚宮太鴻

春光詞甲

國香慢

素蘭

路遠三湘記幽崖冷谷采徧瑤房仙人鍊顏如洗尙帶  
鉛霜窈窕東風搖翠返魂處佳珥成行飄零遇張碩已  
墮紅塵還舞霓裳 月中何限怨念王孫草綠孤負空  
香冰絲初弄清夜應訴悲涼玉斲相思一點算除是連  
理唐昌閑堦澹成夢白鳳梳翎寫影雲窗

齊天樂



吳山望隔江霽雪

瘳筇如喚登臨去江平雪晴風小溼粉樓臺  
嚴寒城闕不見春紅吹到微茫越嶠但半互  
雲根半銷沙草爲問鷗邊而今可有晉時權  
清愁幾番自遣故人稀笑語相憶多少寂寂  
寥寥朝朝暮暮吟得梅花俱惱將花插帽向  
第一峯頭倚空長嘯忽展斜陽玉龍天際繞

百字令

丁酉清明

春光老去恨年年心事春能拘管永日空園  
雙燕語折盡柳條長短白眼看天青袍似草  
最覺當歌嬾惜惜門巷落花早又吹滿  
凝想烟月當時錫簫舊市慣逐嬉

春伴一自笑桃人去後幾葉碧雲深淺亂擲榆錢細垂  
桐乳尙惹游絲轉望中何處那堪天遠山遠

西江月

靜極翻如有待眠多未是無  
柳花毬轉碧窗綃不信  
東風纔到閉月三三小徑藏鶯六六彎橋香囊蟬錦  
嬾重挑乞取春愁閑了

疎影

湖上見柳影因賦此闕

輕陰冉冉正嫩苔弄碧庭宇深掩千縷柔魂搖蕩如烟  
無端忽度闌檻章臺路暗人歸處看足了斜陽濃淡又  
幾痕水際低窺近日楚腰全減依約勻梳月底亂雲

鋪滿徑籠住文簾欲結同心空試萸苗作去聲就三分銷  
黯寒添白袷清明後掃不盡隨風微斂最鏡中再寫秋  
疎記得踏枝鴉點

桃源憶故人

螢

夜涼那更秋情獨冷燄雨餘輕撲墜處溼黏簾竹瞥見  
因風逐穿烟照水猶難足小簾窺人新浴殘月剛移  
桐屋一箇牆陰綠

惜餘春慢

戊戌三月二十二日汎湖用清真韻

綠徧山腰青迴沙尾花信幾風吹斷屏閒鳥度鏡裏舟

移乍試芟衫綃扇常把禪機破除難負春妍流光如箭  
正衡皋稅駕鞭塵不動黛明波遠 看漸是弱絮縈烟  
新荷鑄水麗景一番熏染初啼鳩後將噪蟬前池閣嫩  
晴干變誰道凭闌有人暗憶年華自憐幽倩且停橈淺  
酌霏雨露衣數點

摸魚兒

得汪舍亭婺州晚春見懷詩用蛻巖韻答之  
又騰騰一番春晚無情潮落江浦故人猶憶春前別不  
肯載愁流去窗暝處展淡墨吳牋忽見殷勤語客懷定  
苦在穀水雙流沈樓一角日日獨看雨 淒涼意不數  
淋鈴督護風流那減張緒平生我亦多情者更招酒邊

遺譜還問取問青子綠陰可記城南路休歌爾汝待再  
覓郵筒餘花晚筍刻意爲君賦

臺城路

蠶

青萍葉大桐花落村村又鳴鳩婦細雨如塵餘寒若水  
蟻動吳園時候狸奴聘否怪生客偏憎閉門長晝守定  
蘆簾三眠三起似人柳深窗幾回罷繡挽籠鉤陌上  
親費摻手夜屋燈邊曉牆烟外最怕銀筐飢後心情漸  
逗記瓦卦曾占蒺山將就待寫雙蛾更呼隣女耦

夢芙蓉

戊戌五月十八日汎舟碧浪湖作

曉天魚板響趁青蘋風起碧鷗波漲一枝塔影斜裊打  
雙槳道場山在望仲姬猶賸眉樣劃碎玻璃占蘆灣柳  
汊新雨欲沈網何處紋簾捲上白紵歌輕去也終怊  
悵雙鬟可買應作五湖長水雲連浩蕩杜郎元是疎放  
有日重來願身爲鵲鏡妝臉鎮相傍

永遇樂

戊戌閏中秋

恨海填平情天補就月共秋駐秋半偏雙月圓卻再減  
了閑風雨并梧知信又開一葉羅薦較涼前度想沈沈  
青冥萬里此情此夜尤苦殷勤露下把杯重問也算  
平生希遇蚪箭聲添鸞簫約爽不少傷心處干卿何事

清輝依舊更按桂花新譜便鴉啼紋窗影轉忍教睡去  
浣溪紗

數到湘琴未滿絃春殘過了摘櫻天芳時卯飲最思眠  
八字眉痕剛半畫二分月影恰重圓第三橋外見飛  
仙

蝶戀花

一片東風吹豔雪錦瑟如人忍使華年歇夢去青溪溪  
畔月洛神休寫王家帖非霧非花疑剗鞭楚客多愁  
鳳紙新來絕落葉依枝飛又怯秋匳空羨泥金蝶

霓裳中序第一

宋德壽宮芙蓉石在南樞署

牆陰擁翠浪搔首繁華成俯仰藤絡苔皴草長是親見  
光堯蓬萊無恙香銷玉葬怕夜深山鬼來往淒涼處奉  
華舊閣記否捲簾賞惆悵疎菴藏響雨洗淨嶙峋十  
丈芙蓉孤倚月幌問點額宮梅已歸天上冷衙蜂乍放  
不照到銅溝膩漲青蕪裏宣和金字也是此情況

宋梅  
已枯

菩薩蠻

題呵手梅妝圖

斜紅不暖凝酥面春來未許春鶯見小凭侍兒肩花寒  
人可憐無言空擁袖蘭氣熏花透髻壓一枝斜前身  
萼綠華

摸魚兒



己亥初春過太湖次李秋堂韻

尚怱怱垂虹春早殘蘆風裏如語愁陰不散烟汀闊一  
葉軟波翔舞扶柁去望練繞吳城幾點青旗字鱸鄉社  
樹想霧鬢風鬟也憐寒峭淺翠照眼鷺千年事零落  
荒臺別墅乾坤元是孤旅漫臨匳鑑驚清影客子何堪  
塵土須小住看重疊雲衣裹就湖天暮低眠舊浦續漁  
具因緣茶人滋味休寫斷腸句

滿庭芳

寄暢園在惠山下梁溪勝地也引第二泉穿

垣而入匯爲大池有聲幽潺池中多磐石上  
芘喬木皆數百年物軒楹倒影與波澹蕩已

賣  
亥暮春十有三日汪青渠邀予來游坐蔭弄  
水顧而樂之同行虞山沈生彈箏作秦聲以  
佐酒因成此調青渠近買吳姬自杭來家梁  
溪故戲及之

屋借峯圍徑隨泉改過橋別是深清闌干十二眞在鏡  
中行不道黃衫去久風前樹猶帶茶聲江南好菟裘似  
此何用買傾城攜朋春已謝梅丸緘怨蕉紙書情任  
陰陰隔葉啼老吳鶯明日片帆催發幽崖畔正有雲生  
句畱住簾紋設否容我聽調箏

浣溪紗

奔牛道中初晴

莎雨前宵打布帆  
柳花今日撲征衫  
催春杜宇怨春酣  
天有心情雲破碧  
風無氣力水接藍  
銷魂時節在江南

揚州慢

廣陵芍藥

疎雨催妍穉寒疑態  
天涯相見魂銷問  
春歸幾日未盡  
減春韶算亭北  
新妝老去不多風  
露暗展輕綃送杯中  
婪尾香心欲話無聊  
鴉黃初試記當年  
曾識烟苗奈  
月幌低籠雲堦斜  
倚夢到迢迢  
除卻謝郎俊句  
無人與  
淺暈深描想難禁  
攜贈離情都在紅橋

賣花聲

徐翩翩書扇自稱金陵蕩子婦  
花月秣陵秋十四妝樓青溪迴抱板橋頭  
舊日徐娘無覓處芳草生愁  
金粉一時休團扇誰畱  
帶人只有小銀鈎  
句尾可憐書蕩婦似訴漂流

玲瓏四犯

惲正叔西湖汎月圖爲陳玉几賦

寒玉砌瀾脩蛾橫綠青天明月初湧人閒今夕好柳外  
涼陰重沈沈兩堤跨竦問何人曲聲吹送酒面邀秋船  
頭照影吟思欲飛動烟空遠眸堪縱想菱颺亂起荷  
氣深擁清歡驚易曉光景隨塵鞞南田詞客今仙去  
沙鳥來成幽夢誰與共裴回寫閑情數種

水龍吟

用丁宏菴韻

客懷偏恨秋陰故遮一半闌干影  
蝨欺人獨鵲欺書滯  
何曾慣聽疊疊吳雲迢迢楚水  
悠悠醒枕漫尋思那日  
門前銀浦不抵似關山永  
疑立風簾露井可能拌參  
差簧冷飄零愁髮蕭條長鋏無言  
自領樓月斜初篝烟  
清後舊家標韻又新涼陡起添衣  
時候作去聲西窗暝

采桑子

晚秋同程松門汎舟紅橋登平山堂

重陽過也成虛負  
賴有詩仙肯作延緣人  
與黃花共一  
船  
沿堤轉盡垂楊路  
水影橋邊山影樽前  
畫出傷秋

雨後天

高陽臺

題華秋岳橫琴小像

劔氣橫秋詩腸滌雪風塵湖海年年三徑歸來慵將身  
事殘天草堂不著櫻桃夢寄疎狂菊礪梅邊想清游如  
此須眉如此山川 枯桐在膝冰徽冷縱一絃雖設亦  
似無絃世外音希更求何處成連幾時與子蘇堤去采  
蘋花小艇衝烟笑平生忘了機心合伴鷗眠

尾犯

坐趙谷林西池泊花檻看新種青蘆悠然動

江湖之興

水空雲淨見菰蒲叢外數枝交映梢梢瑟瑟無人處被  
荷風吹醒搖波十里遠界破青山影作砧秋聲不到秋  
來要君倚檻閑聽最是淡烟低暝逗漁燈前浦冷便  
移栽蕩戶添箇根邊鳴雛游泳捲葉鳴笳揉花裝被尙  
遲清興又何似折取橫江相思還踏三徑

清平樂

風梭織雨萍葉籬根聚水滿蘭橈應斷渡昨夜夢魂來  
去春衫起樣休寬偷描一一輕鸞將息釀花天氣憑  
他料理餘寒

曲游春

雨對天  
郊外探春作

一水仙源曲被柳條遮斷千縷婀娜有約前羣怪逢伊  
還向重簾單舸出意新梳裏看颺鬢葉黃微澹縱近來  
遠似天涯誰倩玉顏初破禁火心情偏妥伴錢藕偷  
分鈿行輕墮容易斜陽恐穿烟鳳子尙尋珠唾波面虹  
橋卧任怨咽玉簫吹過無奈澹月籠燈翠屏恨鎖

一枝春

城東許氏水軒臨流梨花一株妍淨可念主  
人命酒邀賞已半落矣感而賦之

縹蒂無多過清明幾度東闌愁凭飄搖素羽漲曉乍迷  
天鏡垂楊倦眼似相見雪融酥凝拌早趁深琰沾春護  
惜夢雲輕冷聲聲鶉鴉催暝憶初籠香雨烟綃娟靚



清蟾墜小瘳減玉兒妝影憑誰看取好畱向繡牀低暎  
還帶葉偷綴瓊絲晚風未肯

感皇恩

已是殺缸花月籠深閣何處行雲到巫峽一灣流水只  
有浮萍開闔依稀親記鬪池邊鴨明日暖風蘭紗裁  
夾玉翦多情度簾押蜜犀蠲忿定帶露痕偷掐幾時頻  
見也纖紅甲

丁香結

暮春初霽用清真韻

吹落嬌雲展開平碧枝上雨殘猶隕恨流光偏迅數景  
物賸得鶯憨蜂潤小紅曾記否朝醒帶薄寒自忍可憐

游舫散後定是蕪菁開盡 相引早餽飢陰晴花信催  
過幾陣曲巷幽坊柳絲竹粉翠樓生暈謝家飄蕩紫額  
翦麴塵盈寸凭闌干那曲冶葉何人摘損

高陽臺

成窯九十九子瓷合金壽門索賦云是宮中  
妝具也

祕翠分峯疑花出土依稀粉滴脂函鈿合前塵宮羅冷  
卻萸尖浮梁猶有當時月向夜深孤照秋匳怨長門夢  
斷蒼龍字漬眠蠶 戲嬰圖子誰描得恰臨妝試仿黛  
筆重添數比螽斯未曾盈百休嫌從今舊價卑哥汝宛  
青娥紅淚偷淹莫銷魂漢苑瑤箱久落江南

明時瓷器進御者皆出浮梁之

眼兒媚

一寸橫波惹春畱何止最宜秋妝殘粉薄矜嚴消盡只  
有溫柔 當時底事怱怱去悔不載扁舟分明記得吹  
花小徑聽雨高樓

西江月

春淺初勻細黛寒輕不上仙肌玉梅花下見來遲夜月  
深屏無睡 心倚紅牋能說情除青鏡難知試香天氣  
惜香時人靜街痕如水

三姝媚

櫻桃花

嬌鶯含得未正眠燈風收繁心低綴薄暈微頰學玉窗  
勻面粉淹脂淚悄探芳期先占了沿溪桃李無語銷魂  
偷折斜枝下堦遊戲 休觸蜂須飛墜到細數圓珠好  
春流水翠沼深深照一庭隴月暖香吹碎記挽單衫相  
送嬾難醒殘醉隔著重簾花下曹騰喚起

淒涼犯

庚子十二月二十四日宿濟南敖陽店寒甚  
有懷故園節物悽然作此解

疎林宿鳥柴門裏凝塵半榻誰掃倦程繫馬風刀裂酒  
雪花欺帽何時古道看長倚敖山翠小又燈昏寒星照  
戶不使客愁少 敲枕尋思處畫句爐閑印梅窗杳歲

殘氣味歎詩人在家貧好底事飄蓬竟輸與蛾兒夜鬧  
恐明朝漸看鬢影似暗老

慶清朝慢

辛丑長安元夕同王雪子金繪白集汪西亭

水部寓齋賦

掃雪燈樓障風酒幕千門春散京華閑情似夢小歡深  
醉銷佗莫趁走橋人去故園伴侶在天涯當杯有一般  
好月燭影初斜 簫鼓隔牆未厭況水曹詩俊淡墨棲  
鴉疎香共憶窗外應少梅花從此滿城鬪草細娘催上  
卓金車心期遠鶯邊古寺雁外晴沙

玉漏遲

永康病中夜雨感懷

薄游成小倦驚風夢雨意長戕短病與秋爭葉葉碧梧  
聲顫溼鼓山城暗數更穿入溪雲千片燈暈翦似曾認  
我茂陵心眼少年不負吟邊幾熨帛光陰試香池館  
歡境消磨盡付砌蟲微歎客子關情藥裏覓何地烟林  
疎散懷正遠胥濤曉喧楓岸

百字令

月夜過七里灘光景奇絕歌此調幾令眾山  
皆響

秋光今夜向桐江爲寫當年高躅風露皆非人世有自  
坐船頭吹竹萬籟生山一星在水鶴夢疑重續挈音遙

去西巖漁父初宿 心憶汝社沈埋清狂不見使我形  
容獨寂寂冷螢三四點穿破前灣茅屋林淨藏烟峯危  
限月帆影搖空綠隨流飄蕩白雲還卧深谷

憶舊游

辛丑九月既望風日清霽喚艇自西堰橋沿  
秦亭法華灣洄以達於河渚時秋蘆作花遠  
近縞目回望諸峯蒼然如出晴雪之上菴以  
秋雪名不虛也乃假僧榻偃仰終日唯聞櫂  
聲掠波往來使人絕去世俗營競所在向晚  
宿西溪田舍以長短句紀之

溯溪流雲去樹約風來山翦秋眉一片尋秋意是涼花

載雪人在蘆漪楚天舊愁多少飄作鬢邊絲正浦澹蒼  
茫閑隨野色行到禪扉忘機悄無語坐雁底焚香菴  
外絃詩又送蕭蕭響盡平沙霜信吹上僧衣憑高一聲  
彈指天地入斜暉已隔斷塵喧門前弄月漁艇歸

聲聲慢

題符幼魯風雪歸舟圖

征衫換色客枕催寒川塗自古酸辛楚尾吳頭風雪獨  
自歸人低迷凍鷗片影恐吟魂攪亂江雲遠望外有敗  
蘆斷竹何處孤村莫怪蒼山白首看淒清到此愁也  
如君溼重帆遲羸得畫裏閑身灘空夢回犬吠正鴻妻  
相候柴門待歲晚酌椒花全未是貧



長相思

綠萼梅

生九疑住九疑自小山光染玉姿碧羅天上飛  
春到時雪到時獨向花中咏綠衣斷魂烟月知

沁園春

心

一寸通犀脉脉難窺含無限情記鍼繞棘刺捧時尤媚  
鎮餘銀液捫罷偏驚小恰容憐芳能颺恨莫近彈棊最  
不平羅襟掩歎幾曾灰盡半爲琴聲覆蓮狀未分明  
愛慧性玲瓏在目成乍歡娛著處怍如危柱別離催就  
亂若懸旌門裏輕挑秋來暗合閑悶閑愁特地生花前

見算除非換得方表深盟

子華子心狀如覆蓮黃庭堅詞爭知我門裏挑心吳文英詞何處合成愁離人心上秋願復詞

換我心爲你心  
始知相憶深

### 齊天樂

#### 秋聲館賦秋聲

簾淒燈暗眠還起清商幾處催發碎竹虛廊枯蓮淺渚  
不辨聲來何葉桐飄又接盡吹入潘郎一簪愁髮已是  
難聽中宵無用怨離別陰蟲還更切切玉窗挑錦倦  
驚響簷鐵漏斷高城鐘疎野寺遙送涼潮嗚咽微吟漸  
怯訝籬豆花閒雨篩時節獨自開門滿庭都是月

### 賣花聲

#### 壬寅立春日作

春信一番新春水生鱗春花春鳥尙逡巡  
就釵頭春勝也添箇春人準擬踏春塵  
春色初勻春風困著小腰身製就春詞  
知幾首帖寫宜春

西湖月

明慈聖李太后賜畫九蓮觀音像在靈隱寺  
借秋閣

恁恁夢了華胥早鷺嶺窗前貯將圖畫翠瓔長帶銖衣  
細疊冷綃光研巖居瞻瑞相展一椀松風塵外挂任水  
際苦入秋心依舊九蓮開也署年髣髴神宗說侍養  
深宮白頭閑話月輪圓裏山河小影似驚飄瓦興亡多  
少事便指與枯禪應淚灑已零落阿監當時奉香黃帕

綺羅香

壬寅春分約徐丈紫山同賦

水榭收燈虹梁待燕判斷韶華如許九十芳辰一半自  
今堪數嬌意緒欲暖翻寒嬾心性乍晴還雨已飄殘梅  
雪鱗鱗井桃花信未遲暮簫樓應惜冷思誰在生香  
徑裏和鶯低語約略東風好似破瓜眉嫵剛宿露蝶夢  
攙勻更惹烟柳絲偷取悵年時一掬春愁試分知解否

阜羅特髻

賦包頭

膠鬢攏罷稱滑笏吳綃摺成如水淺緝素額更斜遮蟬  
翅重窺鏡非關怕冷上頭初愛道隨時世最宜淡片恁

略施珠翠 還把一痕縣擘襯微微紅起春愁困莫教  
半卸到殘妝秀暈分明是碧烟抹斷看兩蛾尤細

夏初臨

初夏雨中同蔣丈靜山汎湖

蘸就魚天搓成鷗雨空濛撥櫂遲遲無數蘋花輕香點  
破漣漪遠風沿岸斜吹溼青蓬誰弄參差湖心亭柳千  
條暎波纔是愁時 可憐春去追送今朝破除酒病更  
鬪槍旗簾釘窗眼曲游俊侶都非那不淒迷放殘陽綠  
過橋西記蘓堤衣香後船柔檣枝枝

喜遷鶯

初夏

竹香新引漸綠到岸東茶蘼吹盡描繡心慵行棊聲歇  
長日瑣窗清潤閑臨小風揮扇涼思先歸鬆鬢爲誰瘦  
鞞單衫尙束春前幽恨芳信緘密意蠅字玉釵待招  
榴巾問鬪茗樓前澡蘭屏底猶記那回眉印幾絲麝煤  
飛度山枕天涯翻近夢催破聽迎梅雨點敲簷初緊

八歸

隱几山樓賦夕陽

初翻雁背旋催鴉翼高樹半挂微暈銷凝最是登樓意  
常對亂波紅蘸遠山青襯不管長亭歌欲斷漸照去鞭  
痕將隱想故苑燕麥離離滿地弄金粉何況春游乍  
歇花愁多少只惱黃昏偏近冷和帆落慘連笳起更帶

孤烟斜引誤雕闌倚徧霽色明朝也應準無言處望中  
容易下卻西牆相思人老盡

大聖樂

東園餞春追和草窗韻

空苑游絲舊池飛燕薄陰千樹正小闌人意厭厭細數  
亂花翻怨錦鳩呼雨皺得綠波新如倦似無奈啼綃臨  
別浦春何在在南陌麴塵西窗烟縷 閑思古今事苦  
有紫曲青樓千萬語且寄愁彩筆橫塘重見楊枝應許  
尙戀淺寒羅衾曉記門掩紅香深院宇傷飄泊是誰倚  
疎簾吹絮

雪獅兒

華亭錢葆汾以此調詠貓竹垞翁屬和得三  
闕徵事無一同者予與吳繡谷約戲效其體  
凡二家所有勿重引焉昔徐鉉與弟錯共策  
貓事鉉得二十事錯得七十事作此狡獪殆  
非詞家清空婉約之旨觀者幸毋以夢窗質  
實爲誚也

雪姑迎後房櫳護得黃  
晴明潤撲罷蟬蛾更弄飛  
花成陣穿籬遠近未肯  
傍茸璫安穩念寒夜偎衾  
煖處夢尋燈暈繞膝聲  
聲低問似無魚分訴憐伊  
嬌困展膊屏

前髮鬢三生猶認懷春最  
恨漸取次歸來難準瓊籤  
盡

上案晴蟾鋪粉

粉

白雪姑貓名見清異錄宋葉紹翁貓詩醉薄荷撲蟬蛾見隨隱漫錄張長臣山房惠貓詩從來憐汝丈人烏端正街蟬雪不如



江海歸來聲繞膝定知分訴食無魚又祝貓詩江上孤蓬雪壓時每懷寒夜暖相依從今  
休慣穿離落取次懷春屢不歸吳仲孚貓詩弄花撲蝶倘當年喫到殘糜味卻鮮不肯春  
風留葉種破瓊尋夢佛燈前名畫評何尊師貓有展膊者金  
王良臣貓詩三生白老與烏圓徐集孫詩亂葉打窗貓上案

又

前題

花毛褐染炎天尙記荷塘爭浴鼠卜閑時畫損砌苔幽  
綠闌干幾曲任側輓橫眠初熟恰又斂脩脩金尾蝶衣  
偷蹴忽起驚跳風竹聽蠅鳴茶鼎何曾輕觸暮眼纔  
圓香綺叢邊看足簷聲斷續休喫盡草芽盈掬娛幽獨  
勝了狻猊鏤玉西陽雜俎楚州射陽出貓有褐花者埋雅貓亦如虎畫地下食  
俗謂之鼠卜元好問貓詩側輓橫眠卻自如錢惟善貓詩秋花  
石上玉後覩金尾脩脩斂四蹄唐盧延遜詩貓跳觸鼎翻押雅貓  
早暮則眼圓宋張至龍詩貓卧香綺叢田家雜占貓喫青草主雨

又

前題

妝樓鎮卧底須詰取於菟癡小解事吳娃戲學鳳仙親  
擣紅絲繚繞便萬貫呼來還少防失卻褻蹄重鑄閑坊  
尋到 蟋蟀吟中醒悄正無聲四壁立殘斜照不捕依  
然堦藥紛披藏好攜兒乳飽坐榻畔微溫相惱春回早  
八九牆陰新婦詰貓詩劉後村作柳貫貓詩花陰閑卧小於菟癡辛雜識回回  
國婦女以鳳仙花染貓爲戲秦氏女孫失貓下臨安府訪之不  
得賂以金貓乃已袁桷醉貓詩醒來獨立闌干畔四壁無聲蟋蟀吟李鶴之畫貓在藥苗  
閒程鉅失貓詩金絲色軟坐常溫飽食深宮錦作墩古諺云八九七十二貓犬尋陰地張  
搏家雜名萬  
貫見記事珠

又

前題

稱伊虎舅斑斑璫璫身邊頻覩食有溪鮮又上小庭高

樹如正拗怒想喚汁多應回顧何事費峨眉畫手穴中  
空怖 延頸盤旋爭赴笑綠紗幃底深憐羣聚銷得侯  
封也算北門長護青錢百數買雙耳微痕添鋸窺鸚鵡  
月季花前亭午 陸游詩自注俗謂貓爲虎舅較虎百爲惟不教虎上樹殺鼠如  
道宏峨眉人往人家畫貓則無鼠南部新書連山張大夫搏好貓每視事退入中門數十  
頭曳尾延頸接人以絛紗爲轉聚其中以爲戲金李之純貓飲酒詩只向北門長卧護也  
應銷得醉鄉侯說死驥驥驥使之捕鼠不如百錢之狸  
爾雅翼貓耳經捕鼠之後有缺如錦正餘慶畫有月季貓

### 思佳客

#### 吳中作和繡谷

窄窄紋窗小小舟空波一片漾難收滿天細雨曾成夢  
壓水涼陰半倚樓 深玉瓊暖香篝夾紗衣薄不曾秋  
吳中舊事君知否晚泊荷花爲洗頭

原作

吳焯

江上涼雲江上舟  
閶門晚市未曾收  
銀絲燈映東西  
水梔子花香上下樓  
分半臂理雙篝  
河風蕭瑟夜  
如秋琴臺一點西  
施月猶照吳王城上頭

樊榭山房集卷九

樊榭山房集卷第十

錢唐 鴈 鶚 太鴻

詞乙

東風第一枝

癸卯元夕雪晴

拂柳蛾消妝梅鶴瘦玉烟吹散無影放教明月初圓最  
憐倚篝漏永街泥不斷已滅卻燈邊遊興料粟肌籠袖  
香畱笑裏有人偷並 占響卜紫姑誰證思舊約素娥  
暗省一番花信添寒十分草痕洗淨凝情買夜漫再認  
飛鸞窺鏡悔少年爭逐輕塵得似煮茶風景

浣溪紗

磬折春波吹婢魚粉塘烟竹迴蕭疎此中堪注水經無  
蘭語脆疑鶯谷近柳情慵覺燕簾孤晚風休減玉肌  
膚

高陽臺

落梅

縞月啼香青禽警瘦遺環與恨俱飄雪沒鞦韆痕何人爲  
掃溪橋東風欲避層臺遠御風歸第一春銷惱相思枝  
北枝南冷夢迢迢山空記得吟疎影拾參差片腦白  
裹冰綃湖水無聲流殘舊怨新嬌餘酸已在濃陰裏怕  
重屏半萼難描更堪他消息經年雨暮烟朝

木蘭花慢

城西開元宮本宋周漢國公主府元時句曲  
外史張伯雨入道於此外史開元宮得月軒  
詞有環堵隘花狼藉溝水漲雲充斥似石魚  
湖小酒船寬窄之句今闌入軍營中僅矮屋  
數楹奉高真像旁有隙地積水縱橫猶是當  
日陳跡也雍正癸卯二月十九日過之書此  
以貽訪古者

自吹簫伴去還再住列仙儒想瑤草呼龍梅花待鶴詩  
鬢慵梳平生愛尋先隱冷襟懷要與俗人疎可惜風騷  
零落而今纔到清都漫郎曾賦石魚湖流水繞堦除  
賸一片涓涓斷雲新柳照影荒渠宮闔已銷餘豔覓彩



毫何處寫黃圖說與游人記得羽觴汎也應無

點絳脣

次韻答紫山見寄

節近清明一池春綠蛙催雨凭闌無緒目送年芳去  
擬翦湘天不供牋愁句相思苦花無重數紅認斜陽暮

原作

錢塘

徐逢吉紫山

似箭流光梅花雪後櫻桃雨忽忽離緒春要平分去  
記得年時共賦銷魂句今何苦落花無數人隔春  
城暮

思佳客

柳

自琢新腔唱柳枝段家橋外水仙祠絲輕最在無眠處  
腰弱尤看不舞時鶯一囀笛孤吹碧波澹澹影依依  
春風若爲長條惜應遣情人少別離

少年游

春日訪紫山同坐學士橋望湖

南屏新畫西冷小隱動卽到君家船載湖光橋分野色  
一鳥落雲沙十年無限傷春意說與小桃花結客金  
空游仙枕在風外祝蒼華

絳都春

清明風雨

烏衣過客約孤注賽春春還輕擲潤被換香低几畱燈

愁通夕餘寒猶是連寒食強偷眄清明天色傍簷攜手  
茸茸柳眼淚痕頻滴 敲側前年舊旅寄單枕悶把卧  
枝花摘水外澹紅簾底纖瓊游蹤隔文園多病何人惜  
有鬢影參差知得便教晴蝶敲風岸陰翠織

瑞鶴仙

賦聖幾齋中牡丹名藕絲霓裳種來自亳州

海天霞未卷和曉岫空青付誰裁翦花師戲成幻約嬌  
春千里翠深紅淺回頭意嬾但微認崔徽背面映衫痕  
一色惺惚誤道藕絲秋半人曾見夢中衫筆歌畔檀唇  
醉餘羅扇雲窗月館湖山在舊情遠便聽風聽水霓裳  
譜得自對珍叢夜怨問尋芳人瘦如何細看帶眼

念奴嬌

甲辰六月八日子將北游東扶聖幾餞予湖  
上泊舟柳影荷香中日落而歸殊覺黃塵席  
帽難爲懷抱矣因用白石道人韻歌以志別  
孤舟入畫怪人閒誰寫漁朋鷗侶起坐不離雲鳥外倒  
影山無重數柳寺移陰葑田拖碧花氣涼於雨詩成猶  
未遠蟬吟破秋句 忽記身是行人勞君把酒斲揖湖  
光去共惜風亭今夜笛月逗離聲前浦千里幽襟一堤  
野思終擬將家住甚時攜手水荻搖曳烟路

好事近

吳江月夜

夾岸響青蘆瑟瑟吳波搖碧天借一帆風勢看垂虹秋色  
滿船明月照無眠今夕是何夕應被素娥笑我太  
疎狂蹤跡

點絳脣

題授衣讀書稻田隅圖

片雨斜陽柳陰濯足看行水世閒良計識字耕夫耳  
風約雲萍又向蕪城會推書起酒闌無味爲我言田意  
菩薩蠻

馬佩兮梅花卷子寓騎省之戚徵予賦此

微波冷託湘筠色高枝早信尋難得玉骨不爲泥輕於  
雲一絲鏡花畱半影最薄東風命楚角莫飛聲人閒

無此情

蝶戀花

長安秋雨夜賦

曲巷低窗雲色暮，節近黃花，又下淒涼雨。長記江南楊柳渡，孤篷翦燭曾聽處。悔別翻將書信誤，雁落吳天，已是愁難訴。今夜長安千萬戶，相思不爲砧聲苦。

定風波

甲辰冬杪南歸過邗城祓江見畱酒閒款語忘暮月黑江寒行五六里送至舟中而別到家旬餘祓江書來作此寄之

記來時傍柳維舟歸人一寸心折歲晚高鴻天寒脩竹

欲下山陰雪硯香凝酒鱗熱語短情長不成別淒咽悔  
秋燈種了星星僧髮野橋路滑聽江聲送客愁如結  
又空林門掩疎簾夢阻低共梅花說杜陵荒浩歌發猶  
有詩傳布衾鐵天末幾時同看蕪城明月

疎影

菊影和祓江

幽姿欲舞見棱棱幾葉空際微吐半枕游仙飛作輕雲  
不怕滿城風雨琉璃屏上秋多少也澹到痕無描處記  
昨宵灑背新霜翠袖翦燈窗戶尚有籬根淺醉敲斜  
簪帽底曾費回顧笑問尊前人瘦如花花瘦可憐如許  
東西活脫殘枝畔合賺得閑情詞賦待醒來重覓橫陳

低捲小簾寒曙

解語花

春日見閨人搥鼓

簾遮晝影釵翦春痕香度深深院玉嬉鶯婉無愁處小  
坐釘花牀畔飛空碎遠看一朵翠翹難顫驚夢回聲落  
高唐白雨隨酥腕長記柑筵飲散遇紅蘭潮靨青柳  
垂眼唾霏休濺飄鸞袖應是細敲腸斷微音弄釧料無  
此漁陽嬌怨生晚寒燈暈妝樓敲被池人倦

琵琶仙

乙巳早春過吳門作

帆色新年又輕約水枕春寒同載堤上沽酒人家湘梅



已先賣斜照傍紅樓未啓惜猶護一層芳靄趁燕羣歸  
調鸚檻遠塵夢都改 悄彈指閑立平沙更吹綠吳波  
緩衣帶堪笑天涯蹤跡有垂楊相待人意與東風是客  
洗軟香雨際烟外且聽鐘度楓橋舊情如在

又

康山在揚州輦土爲之以康對山寓此得名  
今屬吳氏乙巳二月四日祓江招飲其上四  
顧曠然俯仰今昔同集者尺鳧授衣各賦一

解

休恨無山小闌外略借江南眉色何況山在人家梯青  
喚雙屐吹不斷風前笑語怕驚起退紅簾隙古堞飛帆

平林指塔春望無力 舊知己觴送花迎畫歌舞屏閒  
未頭白誰道琵琶纔招賸康家陳跡豪氣被蕭蕭草樹  
甚曳裾有此狂客爲問天畔歸鴻遠愁銜得

摸魚兒

蕪城清明

杏餉香鬧花門巷家家風外晴穩來時猶道江程短定  
不短如愁鬢飛絮近作去聲酒惡寒輕只是無人問紅絲  
硯潤便杜老傷春江郎賦別難寫此時恨 西湖路最  
愛山聯眉暈游船會記歸盡綠楊闌角聽鶯坐知我平  
生疎俊情一寸回首處雲容水態還相引天涯自晒繞  
九里街中三分月底誰與寄芳信

掃花游

乙巳三月二十三日客揚州空齋積雨孤愁  
特甚問人始知是春盡日也黯然於懷賦寄  
尺牘

折花汎舸又夜淺燈孤綠陰如許舊遊閒阻聽簷聲壓  
酒醉醒無據落魄多愁尚記羅裙雁柱向南浦訝楊柳  
今朝腰痠慵舞行徧深院宇已負了春來忍教春去  
笑人易誤似山中枕石頓忘時序小榼櫻桃更憶西園  
勝聚寄情處畫當年滿湖烟雨

摸魚兒

首夏歸杭過吳淞景物清曠有會而作

綠陰陰江南千樹重來桃葉依舊十年不負烟波興付  
與婦人杯酒船喚否度一片涼雲最戀河橋柳凭闌望  
久趁螢影高低漁歌斷續搖過五湖口歸非偶正是  
清和時候深村樂事多有焙茶煮繭梅風裏換得霜鱗  
盈斗詩思瘦待小草湘蘭已入騷人手西泠永晝汎五  
日輕橈獨醒何事散髮醉還又

喜遷鶯

賦趙谷林三十六鷗亭

風蒲低暑見白羽帶波翻翻還住闌影搖人簟文生夢  
夢入藕花深處閑笑汎湖伯越閑笑啼湘懷楚晚涼外  
動忘機一曲悠然琴趣休去尋釣艇重理舊盟草合

垂虹路倚扇開襟調冰膾玉不問是誰賓主三十六梯  
明月三十六陂秋雨戲招手認青天片雪飛來詩句

鬪嬋娟

題趙飲谷采香詞居近滄浪亭自榜曰小吳  
船

中吳烟水微茫地吟邊何限清感夜深腰笛伴漁謳冷  
玉花千點翦秀骨香霏露染娃宮風景教長占錯羨舟  
居好幾雁齒橋頭解纜回首銷黯 仍是載酒年時驀  
然低憶蕙爐絲裊菱鑑斷腸重唱小橫塘粉字開還掩  
縱賀老心情未減無端世味如雲淡好約我垂竿手斜  
雨梅黃凭君畫檻

探春

次趙飲谷韻

冷硯敲秋枯筇倚晚西風斜掠平楚芋熟湖田楓明水  
巷先放烟鴻飛去還似春時節掃不盡閑愁吹絮暖紅  
院落誰家迎寒猶試簫鼓此際青門曾任記曉碾霜  
輪未教離阻老大才華淒涼身事銷得筇篻知遇三五  
回圓月怕靜夜窺人良苦待問梅花何時香拂衫縷

一萼紅

丁未始春客吳興郡治後圃有愛山臺南宋  
時建蓋取東坡尙愛此山看不足之句日與  
客登其巔蒼弁清茗奔赴襟烏情味灑然如

遇白石草窗諸名勝於五百載上乃歌此曲  
以寄予懷

乍寒輕被鄰園翠羽喚起愛山情烟草殘碑風榛斷笛  
千載誰記經行想春在樓痕幾曲破曉霽妝鏡見飛英  
欲雪消時無人知處峩髻青青飄瞥少年前夢便移  
舟弄水有若平生西塞魚肥東林酒熟滋味何似浮名  
待傳與蘋香暖信醉吟地常憶柳邊城回首家江非遠  
十四長亭

水龍吟

梅雨初霽湖上山水浮動涼氣沁人肌骨尺  
鳧買舟約予輩數人緣孤山掠蘓堤入西林

橋以泊於裏湖時意林鼓琴敬身作小篆數  
幅樂城觴碧筩勸客予與尺鳧各賦此曲極  
暮乃罷去丁未五月二十五日也

蜻蜒偷眼涼多飛隨小舫搖空翠西冷五月碧羅初染  
冰壺乍洗多麗香車閑情椒壁夢塵空徙載荷心酒苦  
桐枝絃澹看一陣風漪細更譜玲瓏散水戩長林葉  
閒疎吹高寒更憶迴峯隱舍鳴泉僧寺易得驚秋菰蘆  
深處此歌堪倚漸鐘催人散平波墜露點青螢尾

清平樂

題飲谷說劍圖

仙源風雅不恨知音寡艇子采香歸去也袖有驪珠無



價 天涯共話秋窗吹簫載酒何妨莫把吳鉤再看燈  
前化作柔腸

意難忘

丁未冬杪客蕪城將歸次飲谷送別韻

舊苑荒灣正恩恩別袂草草歡筵放歌銷白日轉枕夢  
青天風力緊折吳絛寒色漸蒼然話倦游不如歸去如  
此湖山 津頭已買篷船尚樵歌共譜琴趣閑編沙河  
春拊馬燈市夜飛蟬花倚擔菜登盤節物又增年問幾  
時掀顛一笑追逐吟仙

原作

嘉定趙虹飲谷

埃火沙灣聽戍樓壓笛人罷離筵雁聲寒墮地霜色

白彌天思結託奉纏絲小別轉悽然對斷魂月搖津  
樹雪罨寒山 載將書畫歸船有東城別錄南渡遺  
編眉添京兆柳衣畫孟家蟬翦綵勝簇春盤轉盼入  
新年待與君尋梅問鶴共訪逋仙

蝶戀花

戊申春暮城東周氏小園池上作

三月風顛吹斷柳何況薔薇落處依苔厚折得一枝花  
在手戴花人尚平安否 行徧回塘銷永晝水影蘋香  
只是侵襟袖杜宇數聲春欲瘦斜陽豔豔醺如酒

憶王孫

懷紅橋舊游

小秦淮映小紅橋蘭舫重來酒未銷秋雨多從蟬鬢飄  
夢迢迢曾倚闌干弄柳條

謁金門

七月既望湖上雨後作

凭畫檻雨洗秋濃人淡隔水殘霞明冉冉小山三四點  
艇子幾時同汎待折荷花臨鑑日日綠盤疎粉豔西  
風無處減

水龍吟

春晚倚樓見海棠葉底餘花同谷林賦

殘春能幾番風猩雲一朵藏深翠嫣然最小窺人闌角  
憐伊睡起羞見當時天衣沈薛宮鬟垂地歎宣華舊色

鳥聲啼盡遲開處伶俜矣  
尚恐朱顏易老倩薔薇殷  
勤鉤袂樓高十二妝輕粉  
瘦綃痕寄淚雨雨風風鈴  
兒未掣蜂兒先退待解愁  
知道前身記得晚花流水

國香慢

王子冬至後三日過馬牛  
槎南齋炙甜香以供客風  
味幽絕前明宣宗時禁中  
製也坐上索予譜斯闕成  
半槎謂予云昔熊訥齋請  
詹天游賦輒香慶清朝慢云  
願埽陳言君於此題當與  
天游競爽矣明日以綠牋  
請予書之裝成小軸高西  
唐篆其首曰甜香新唱  
雨浥芳塵愛花瓷寶屑百  
種芬氲誰將蜜脾滋味散  
作

濃春顛裊微烟猶未寫蘭韻如幻如真輕翻小銀葉舌  
本先參鼻觀徐聞漢宮遺事遠歎尋方難和按譜偷  
分茗甌初啜依約攪了餘熏縹緲華胥一枕蝶飛來猶  
戀梨雲回思殢人處寄與當時浣罷羅巾刺言昏沈沈

澡蘭香

癸丑淮南重午用吳夢窗韻

荷聲碧檻蒜影紋簾詩在枕根夢覺釵邊綴虎扇底彈  
蠅輸與彩舟佳約記琵琶初見灣頭纔舒新眉半萼立  
盡梅陰晚雨猶鳴青莢羸得星星短鬢羞照江心一  
規銅魄涼生楚簟怨人宮砂多少玉窗羅幕想南湖十  
頃菱波閑了微吟淺酌還認取天際歸帆飛鳧闌角

西江月

秋晚同嶰谷登烟雨樓

浮玉塔前風色銷金鍋畔晴瀾都來收拾一樓閒只少  
青山數點望眼蒼黃越樹醉魂清冷吳天柳邊猶繫  
五湖船西子烟中去遠

摸魚兒

塵梅追和元人顏吟竹

怪朝來凝芳盈席一枝幻出清瘦紛紜不用將犀辟付  
與散花摻手無乍有想漠漠輕寒昨夜穿窗透紗籠護  
否恐疎朵橫陳探春多誤更與灑冰溜偷描處漫比  
脂妝玉鏤寓形休污吟袖鹿胎幾點閑蹤跡驚覺軟紅

回首延望久恍翳月吹烟正是開時候高情似舊笑學  
字蕭郎低徊未拂香影寫難就

同作

錢唐陳 臯江臯

綺窗前埃凝髻几春葱閑鏤疎影園林半樹移來幻  
似霧似烟還暝看未定想京洛餘情喚起南枝醒冰  
姿乍認向匣鏡開邊歌梁落處忽動灞橋興 嬋娟  
面正似輕綃掩映恨無半點香賸莫教瑟瑟翻飛去  
吹落芳英難整空裏景偷墮處前身水底還堪證風  
沙漫競好模上苔牋依然離垢心在玉壺冷

踏莎行

嘉禾道中和江臯

鴨鴨隨波鶯鶯坐樹天涯芳草疑無路惱人只有燕梢  
船濃春又向船中度小鬪酒香畱題襟墨聚菜花黃了  
忘歸去韋娘鬢子曉妝成今朝定出湔裙否

項暉謨筆記云  
嘉定中木妓杜

韋作實心鬢低小尖巧至晚常  
如曉妝時人效之號韋娘鬢也

### 露華

玉簪秋海棠同置小餅詞以寫之

楚雲夢遠覓鬢底瑤肪悄在秋苑素萼乍敲遮住青鸞  
輕扇最憐付與紅兒只隔幔紗遙見涼颺度嫣然笑拈  
鬪掃初縮明河墜露分半稱香浸銅餅膩粉零亂幾  
點唾壺情淚翠襟吹濺倚妝靜看搔頭又恐一枝敲斷  
丹白想亭亭夜深自遣



浣溪紗

乙卯冬日同抱樸載酒過湖酌耕民殯宮作  
一權迎霜拂曉開非關乘興訪疎梅斷雲叫徹玉龍哀  
雞酒有情應戀此湖山如夢可重來隴泉幽咽語初  
回

南鄉子

題揮扇士女圖

思夢髻慵梳鸚鵡驚回倚井梧扇影似人人似月圓初  
十六盈盈十五餘並蒂點紅蕖更有關心好句書不  
用近前頻掩面生疎水院雲廊見也無

蕙蘭芳引

乾隆丙辰秋七月十日行郟城道上殘暑猶  
熾夾道楊柳依依慙有慰于倦旅予自庚子  
天冬經此已十七年爾時樹猶未種也江潭憔悴之感在人更有甚于樹者賦此闕書旗亭

壁

塵沁短衣話前事倦途亭午向畏景新秋官柳自垂萬  
縷繫人舊感問翠黛那時何處等再來瞥見付與驟網  
鈴語粉絮吹簾柔枝縈扇擁髻曾訴念好箇江南爭  
似路旁低舞少年容易鬢霜早聚顛額多長夢畫橋烟  
浦

一絡索

風走葉聲簾底夜長燈細秋塵不肯洗征衫有前日分  
攜淚 暗憶餘香殘醉幾層烟水分明新夢到伊行但  
道得相思字

惜奴嬌

深院無人看分月紋疏小閑情約青奴漫惱藕惹冰絲  
悄一似紅衣拗曾道賦微涼單棲悟早 露箠烟襟可  
暗憶凌波擢垂楊髻幽花玉照夢繞香瓔又喚醒煩塵  
掃秋到休更怨西風草草

天香

烟草神農經不載出於明季自閩海外之呂  
宋國移種中土名淡巴菰又名金絲薰見姚

旅露書食之之法細切如縷灼以管而吸之  
令人如醉祛寒破寂風味在麴生之外今日  
偉男髻女無人不嗜而予好之尤至恨題詠  
者少令異卉之湮鬱也暇日斐然命筆傳諸  
好事

瀛嶼沙空星槎翠翦耕龍罷種瑤草秋葉頻翻春絲細  
吐寄與繡囊函小荷筒漫試正一點溫磨相惱纔近朱  
櫻破處堪憐蕙風初裊 嬌寒戰回料峭勝檳榔爲銷  
殘飽旅枕半敲熏透夢闌人悄幾縷巫雲尙在濺唾袖  
餘花未忘了喚剔春燈暗紫醉抱

虞美人

游絲不惹東風住和悶閑吹絮嫩寒猶護小窗紗試比  
去年今日瘦些些飛紅只在迴塘裏塘下差差水水  
邊杜宇盡情啼喚得春歸何似喚郎歸

杏花天影

丁巳秋日舟過荷葉浦作

蘋花纔報西風信早添得清愁上鬢短蓑開合雨濛濛  
借問小平橋斷戍近沿明鏡紅疎翠暈聽依約菱歌  
去盡已涼天氣別人時未穩倩行雲爲寄恨

醉太平

戊午暮春汎舟紅橋同授衣廉風聯句

楊花滿天榆錢滿船馮綠陰湖上年年問誰尋翠鈿授衣

橋邊酒邊樓前眼前廉夕陽一角闌干對春風可憐

太鴻

減字木蘭花

過張無夜花龕

竹垣花架四面陰陰堪結夏手捉松枝君是前身鶴阿  
師楞伽堆案欲話無生誰是伴久斷知聞一縷茶烟  
裊作雲

水龍吟

半竿殘日江城平蕪寒色新來淺舊游似夢閑身如葉  
闌干凭徧老去劉郎芳溫一念最難消遣況雨聲不管  
愁人厭聽更長處和啼雁無計憑他酒殘奈依然酒

醒天遠絲占螭子香盟心字關情在眼碧鏡春酥青綾  
秋夢紫簫幽怨待佗時絮語西窗今夜把蘭燈翦

湘月

揚州勝處惟紅橋爲最春秋佳日苦爲游氛  
所雜俗以大舟載酒穹篷而六柱旁翼闌檻  
如亭榭然每數艘竝集或銜尾以進則烟水  
之趣希矣戊午十月十七日風日清美煦然  
如春廉風莫亭賓谷封田招予與授衣于湘  
喚舟出鎮淮門歷諸家園館小泊紅橋延緣  
至法海寺極蘆灣盡處而止蕭寥無人談飲  
閒作亦一時之樂也懸燈歸櫂吟興各不能

已相約賦念奴嬌鬲指聲一闕而屬予序之  
客游未嬾記名園水鑰誰與重叩淡寫霜痕愛到處吹  
盡尋常歌酒斷湫通煙疎籬借暖尙挂微黃柳移船遙  
去照人都爲詩瘦 何地更著功名天教老子付垂綸  
閑手細數闌干問往事春共橫波爭秀亂影風燈催歸  
晚笛眷此情依舊城頭生月作去聲成鄉思時候

風入松

憶茶

陸家休更說遺經負了雨前盟當時風月花瓷畔餘甘  
漱幾許看承戲語從佗歐九困人不止春醒 爲茶作  
病病皆清關鬲有疑冰而今卻費閑薑桂開芳焙可是



忘情一琰微聞蘭氣半簾時夢松聲

角招

予與趙谷林長安別三年矣戊午初冬谷林  
自北歸相見于邗城塵衣風帽同話舊游悽  
然棖觸予懷也家山漸近又復薄遽分手予  
歸杭當在冬杪谷林家西池梅花下談讌之  
樂計日可待因用白石老仙自度曲所云黃  
鍾清角調者製一闕寄之

話離索相逢又是江天雁影寥廓近來偏憶著並馬去  
程茅店山郭情懷最惡向舊日淮南樓託看盡人間迎  
送似官道柳垂垂任西風梳掠休莫琴移別調塵銷

古怨此意真如瘧夢歸烟漠漠題扇書裙三年前約吳  
船乍泊早問取疎梅池閣爲怕寒香瘦削想翻笑我歸  
遲延春酌

步月

己未歲吳山燈市甚盛用史梅溪韻

瞰月峯高看街簾遠物華取次如歸夜深寒淺春在六  
銖衣望來處紗籠萬點見背後釵燕雙飛疎梅下星移  
漢轉勝似拜安如塵霏行不斷踏歌伴輓舞隨地成  
圍天教晴穩樂事往年稀念游侶餘醒尙在問殢人香  
夢誰知匆匆裏飭簫又曉透羅幃

登嶺賦以興稟給虛又却致羅神

園天燈部器樂集甘平餅念流引箱酒醉春問

與神神四拜受成 意義已不 誠極類科神

惟才至來 靈者灼灼燕雙樂相

前月 六

白朱炳吳山登布其為用史蘇

走馬

我欲春南

歌半新早

樊榭山房集卷十